



DEMOCRATIC PROGRESSIVE PARTY

KUCHISKA BOMA
LAKUTEBETERA BANTHU.
BOMA LA MAGOMEZGEKO.

2025-2030

Manifesto



IPM
VOTE

2025 BONDENI FADAH



MOIWELL WACHITUKOHO
DPP 2025 BON

2025 BO

Proven Lead



VYAM'KATIMU

MAZGU GHAKUDANGA	5	5.1 KAGHANAGHANIR	47
MBONIWONI ZITHU	8	5.2 MARANGO, ULONGOZGI, VIMBUNDE	48
CHAKULATA	8	5.2.1 ULONGOZGI UWEME	48
PHANGANO LITHU	8	5.2.2 CHIVIKILIR	50
KUCHISKA UMOZA	8	5.2.3 UBALE NA VYARO VYAKUWARO	55
1: KAWIRO KAKHE	10	5.3 NCHITO ZA BOMA	57
2: MAPANGANO NA SACHIZG	14	5.4 MAKAMPANI NA NCHITO ZA MALONDA	58
3: NDONDOMEKO ZAKUKHOZGA CHUMA	16	5.5 KUKHOZGA MILIMO YAKOVWIRA BANTHU	63
4: NTCHANDAMILA ZA CHITUKUK	24	5.5.1 MASAMBIRO	63
4.1 ULLIMI NA BIZINESI	25	5.5.2 UMOYO, MARYELO NA UCHANDA	68
4.2 NCHITO ZA MAFAKITARE	28	5.5.3 BAUKIRANO NA MASOBERO	74
4.2.1 NCHITO ZA MIGODI	30	5.5.4 KUTUKULA BAMAMA	76
4.2.2 MENDERO	32	5.5.5 KOVWIRA BACHEKURU, BALANDA	
4.2.3 NKHONGONO ZA MAGESI NA MAFUTA	35	NA BANJI BAKUSUZGIKA	79
4.2.4 LUSO LIPYA (ICT NA AI)	38	5.6 KUPWELERA VILENGIWA	81
4.3 CHITUKUKO CHA MATAWUNI	38		
4.3.1 KUCHEMA BALEND	39	5.6.1 KUSINTHA KWA NYENG	81
4.3.2 KUKWEZGA MATAWUNI GHAPYA	42	5.6.2 VISUZGO VYAMABUCHI	82
4.3.3 MALO, NYUMBA NA NCHITO ZA MAJI	42	5.7 MAWUPU AGHO NGA BOMA CHARA, MIPINGO,	
4.4 NKHONGONO KU BANTHU	44	BAMTOLAMAKANI	83
5: VYAKWENELEZGA	46	5.8 LUSO LA KUSANGURUSKA	84
		6: PEMPHO KU BINA-MALAWI NA BOSE	88



MAZGU GHAKUDANGA

Chipani Democratic Progressive Party (DPP) chizaso na manifesto ghakhe ghakuphala mwakupulikikwa makora fundo zakovwira kukwezga umoyo wa banthu kufuma mchaka cha 2025 mpaka 2030. Manifesu agha ghakwandula makora fundo za uzengi pakuchiska ukhaliro uweme wa banthu kwizira mu kipiwa chitukuko chiweme, chuma chakukhazikika kweniso nchindi na wanangwa wakubabika nawo. Ivi vikukoleranako makora na ivyo fundo za Malawi Agenda 2063 zikuchiska; mwakukoleranako na malango ghakwendeskera vipani nya ndyale (Political Parties (Amendment) Act, No.1 of 2022).

Charo chithu chili mu visuzgo vikulu nya njala, matenda na kusoba kwa nchito. Ndicho chifukwa chipani cha DPP na ulongozgi wakhe banozga fundo izi kuti masuzgo agha ghamale. Mvyaka vyapakati pa 2014 mpaka 2020, ulongozgi wa DPP ukamazga njala ndipo uzamulutilizga kuchita ntheura m'nthazi mose umu.

Tikambiska fundo ziweme zakovwira kukuzga na khozga chuma cha charo chino kuti chitukuko chilute mnthazi. Vyachitima n'vyakuti boma ili lilipo sono lawiska pasi milimo yose yiwe me iyo ise ba DPP tikambiska. Nga chipani cha DPP, tizamuchiska fundo zakovwira kutondana na visuzgo vyamabuchi kuti banthu bizakakhallenge mwakufwasa nakugwira makora nchito za chitukuko nga umo vyaro vyose vikuchiskira. Ndise ba DPP, ndipo tanozgeka kufiska mlimo!

Pasi pa boma la DPP, charo cha Malawi chizamutukuka nakufika pa mlingo wakudokeleka na banji. Nga umo DPP yikapanganirana mchaka cha 2019 kuti yikwezgenge chuma cha charo chino kufika pa mlingo wakudokeleka (upper-income) kufika 20230, tizamulutilizga kutebeta mlimo uwu. Ndise bakunozgeka kudangilira boma lakutowera banthu bose. Ndise bakunozgeka kupereka ku bina-Malawi boma lakufiska maphangano ghake.

Chipani cha DPP chilikwendeskapo kale boma ndipo banandi bakuchimanya makora vinjeru vyakhe. Mchaka cha 2014 apo tikanjilanga m'boma tikasanga kuti chuma chasakazika ndipo inflation yikaba pa 27 percent; kweni ise tikakhizga kufika pa mlingo wakwenelera. Apa tikanjilanga m'boma, tikasanga ngongole zinandi kweniso zikuluzikulu; ivyo vikatimbanizganga ndondomeko yakendeskero ka chuma cha charo (National Budget).

Babale na babwezi awo bakawovviranga bajeti yithu na 40-percent nawo bakagwenthachifukwacha ujila wakendeskero ka chuma ako boma lamwaka likachita. Babale na babwezi bakachimbila nkharo ya unkhungu wa ndalam-Cashgate-ayo mkatı mwakhe mukasoba ndalam-zinandi chomene za boma. Kweniso tati tanjila waka m'boma, vula yikakalala kweniso maji ghakatutuka chomene anthuera ivi vikiziska njala pakati pithu. Kweni mu nkongono ya Chiuta, tikayezgesa kugwira nchito yakukuzga chuma icho chikakhazikika kufika chaka cha 2020.



Kwasono charo chithu chili mu visuzgo vikulu vya chuma na ukhaliro ivyo boma lakwendeseka na chipani cha Malawi Congress Party liziska pakati pa banthu. Boma ili lalongola pakweru kuti vinjeru na unkhwantha lilijirethu. Tikulazga ku chisola cha President, Bimiliri ba Mphara ya Marango na Makauselala mu mwezi wa September chaka chino cha 2025. Kwasono inflation yili pa 30-percent, kusoba kwa nchito pakati pa baukirano kuli pa 90-percent, ngongole yose ya charo yafika nakujumpha pa MK16 trillion. Charo chithu chiliso pa visuzgo vyakusoba kwa ndalama zakuwaro (forex). Chuma cha Malawi chabwanganduka.

DPP yikupangana ivyo yingafiska ndipo yikufiska ivyo yapangana. Mchaka cha 2014 tikipangana ndipo tikafiska milimo yakupambanapambana yakovwira kukwezga ukhaliro wa banthu. Tikafiska milimo nga: kumazga njala, kukhozga chivikiliro, kukwezga nchito za malonda, kukwezga milimo ya katumizgilo ka uthenga mu nthowa zipya (ICT), nchito za misewu na mendero, nchito za umoyo, za masambiro na kupwelera banthu nga bacheckulu na balanda. Tikafiskako milimo yakulimbana na vimbunde; milimo yakuzenga ma koleji gha nchito za umisili; na zinyakhso zinandi.

Chakulata cha manifesto agha nkhuchiska ukhaliro uweme pakati pa banthu ba mcharo chino kwakuyana na ndondomeko zakukwezga charo chino za MW2063 izo mkatı mwakhe muli fundo zitatu izi: Kukwezga Ulimi nga ni Biznesi, Kuchiska nchito za Mafakitare; kweniso kukuzga Chitukuko cha matawuni.

Milimo yakovwira kuchiska fundo khumi zamu MW2063 zasoleka kuti tizakatebete mwanthuera: Kusintha Kaghanaghaniro, Kuchindika Dango, Kukhozga Ubale na vyaro kweniso mawupu ghakuwaro, Kuchiska Phamphu mu Kagwiliro ka nchito za Boma, Kuchiska nchito za makampani na mawupu agho ngaboma chara, Kuchiska Chitukuko na Ukhaliro pakati

pa banthu; Kuchiska Masambiro , Nchito za Umoyo, Kukwezga ukhaliro wa baukilano, Kupwelera Bamama, Kupwelera banthu bakusoberwa,Kupwelera vilengiwa, Kuchiska nchito za Luso na Mirangwe yakusanguluska banthu.

Tanozgeka kuzakapereka nchito zakwenelera ku banthu. Ndondomeko yavya chuma yizamuba yakufikira ku banthu kuti chitukuko chionekenge.

Tizamuperekanga K5 billion ku konstichuwense yiliyose yakugwilira nchito za chitukuko. Ivi vikung'anamula kuti ward yiliyose yizamupokanga K2.25 billion pachaka. Kusazgirapo, tizamuerekanga K100 million pachaka kuti bawukitrano bapokenge vikwerete vyawkwambiskira bizinesi zaho. Tizamuoperekengaso K100 million zakovwira bomama kwambiska na kukwezga bizinesi zaho.

DPP yikumanya kuti m'charo chithu muli luso lapadera ndipo ichi ndicho chifukwa tizamupoerekenga K50 million pachaka yakovwira kukwezga masobero. Ndiseso bakunozgeka kuchiska mlimo wakutumizga na kupokera mauthenga na luso muthowa zipya na vinjeru vyakuchita kupanga (Artificial Intelligence).

Iyi ni fundo yakupereka nkhongono ku banthu ndipo kwizira mthowa iyi tizamulemba nchito nkhwantha 229 pa mipando ya u Executive Director kweniso ma engineers, dokotala ba namwino, banthu bakupenda nakusunga ndalama na banyakheso banandi. Iwo aba bizamukgwiliranga nchito zaho pa constituency.

Boma la DPP ni boma lakupwelelera banthu.


Kuyaniskana na vyaro vyakuwaro, manifeso ghithu ghakukoleranako makora na fundo za vyaro na mawupu. Zinyakhe mwa fundo izi ni izi: United Nations (UN) 2030



Sustainable Development Goals (SDGs), fundo ya 2063 African Union Agenda, fundo ya Istanbul Programme of Action (IPoA), fundo ya Vienna Programme of Action (VPoA), ndondomeko yakumwera kwa Afrika ya Southern African Development Community Regional Indicative Strategic Development Plan (SADC RISDP), fundo ya Common Market for Eastern and Southern Africa (COMESA) Treaty, kweniso fundo yavya wanangwa pa malonda mu Africa ya African Continental Free Trade Area (CFTA) mwa zinyakhe. DPP yikumanya kuti Malawi yikukhumba babwezi na babale pafupi na kutali kuti charo chino chigwire makora nchito zakhe zakutebetera banthu bakhe.

Mmalo mwa chipani cha vinjeru cha Democratic Progressive Party, ndine wakukondwa kumuchemani mose kuti mwize nakovwira chipani ichi kuti tose pamoza tendeske charo icho na kuchizuwula mu visuzgo vya chuma, ukhaliro na kusobeka kwa chitukuko. Nkhumuchemani mwa bina-Malawi imwe muli kutali uko nga ku

Ulaya, ku America, ku Asia, kweniso babale na badumbu ba mitundu yose kuti tose pamoza tiyeni tovwirane. Mlimo uwu tigwilenge apa kuti uzakawovwire bana na bazukulu bitbhu mnthazi umu. DPP yikamanya ivi ndipo ndicho chifukwa ise tikambiska fundo yakuchiska wanangwa wakwendera viphaso vibiri (Dual Citizenship). Zanine tizakakwezge ulimi, nchito za mafakitare na chitukuko cha matauni. Tizamuchita ivi mwakujipereka kweniso mwa umoza na chitemwa. . DPP yanozgeka kukwezga charo chino, kukwezga chuma cha charo chino mwakulondezga fundo ya MW2063.



H.E. PROF. ARTHUR PETER MUTHARIKA
PRESIDENT, DEMOCRATIC PROGRESSIVE PARTY,
PAGE HOUSE, MANGOCHI, MALAWI



MBONIWONI YITHU PAMOZA

Charo cha banthu bakujipereka na kugwilira nchito lumoza kukwezga ukhaliro wawo.

CHAKULATA CHITHU

Chakulata chithu nkhuchiska ukhaliro uweme pakati pa banthu, ukhaliro wakujipereka na kujigomezga mu kagwiliro kantchito, kuchiska kendeskero kaweme ka nchito za chandulo ku banthu, nchito zakukwezga chuma cha charo na nchito zakwendeska charo kwambula kutemwera panji tinkho. Ndise bakunozgeka kuchiska milimo yakowwira kupanga katundu uyo ngwakwenelera ku misika yakuwaro kwacharo chino.

PHANGANO LITHU

Ndise bakunozgeka kumazga njala na kukuzga chuma mcharo chino.

Ndise bakunozgeka kukwezga nchito zakovwira kuti banthu basangenge chuma na katundu vyakubavwira pathupi pavo. Ndise bakunozgeka kukwezga chuma na chitukuko mwakukoleranako na fundo za MW2063 na chakulata chakuti kuzakafika mchaka cha 2063 charo cha Malawi chizakabe chakuzaya na kujigomezga pa chuma chake. Ndise bakunozgeka kukwezga nchito za mafakitare kuti chuma chikwere. Tizamugwira milimo iyi mwakukoleranako na malwande ghose ghakujipereka.

Ndise bakunozgeka kuchiska boma lakutebetera banthu kweniso boma lakuchiska ndyale za Unthu, Chipulikano na Umoza. Ivi vizamovwira kuchiska mtende na chivikiliro. Tanozgeka kuchiska fundo zitatu za: Kutemwa charo, Kujikola na Kujiipereka panchito.

KULOMBA UMOZA

Ise nga DPP tikumanya kuti umoza ngwakuzirwa kuti charo chithu chikwere. Tikumanya kuti waliyose ngwakuzirwa ndipo waliyose wali na mlimo wakhe wakuti wagwire; kwali uli kulwande lwa Boma panji ku lwande lakususka na kunjilikizga Boma, tose ndise bina-Malawi ndipo chakulata chithu nkhukwezga charo chino. Mphambano mu ndyale, mtundu, chisopo panji chigaba, vileke kutisobeska mu kagwiliro kanchito yithu.

Mu umoza muli nkhongo. Mu nkhongono zithu, tingamanya kukwezga Malawi wakutowa, kutowera tose na bana binu mnthazi.







1

KAWIRO

Nchachitima kuti charo cha Malawi nchimoza mwa vyaro vikavu chomene pano pasi. DPP yanozgeka kuzakasintha kawiro aka ndipo tanozgeka kuzakachiska milimo yakovwira kukwezga charo na ukhaliro wakujipereka panchito kuyana na fundo za Malawi 2063.

Kufuma apo Chiponde Kamuzu Banda wakalekera kuwusa charo chino, Malawi yakhala yikugomezga waka ulimi nga jando likulu lakulemba banthu nchito. Ise tikughanaghana kuti ulimi ungavwira chomene pala tingachiska nchito za mafakitare kuti tipangenge katundu wapachanya kufuma ku mbuto na vyakukolora vinthu. Kuchita nthuera kungavwira chifukwaso kanandi balimi bithu bakutondeka kusanga chandulo chifukwa cha visuzgo vyakusintha kwanyengo.

DPP yikumanya kuti chitukuko chawelera nyuma m'charo chino chifukwa chakusobeka vinthu na mendero ghakwenelera, kuleka kufiska makora fundo zakwenelera, vimbunde, unandi wa banthu pa malo ghachoko, kusobeka fundo zakovwira kukwezga malonda, visuzgo na ngozi zamabuchi, umoyo wakunyotwanyotwa kweniso kusoba kwa masambiro ghakwenelera pakati pa banthu.

DPP yikumanya kuti charo chithu chili nawo mwabi wakuti chuma chakhe chingakwera kwizira mu nchito za mafakitare, kuchema balendo na nchito za migodi. Ivi vyose vingafiskika usange pangaba ulongozgi wa vinjeru. Kweniso nchito za chitukuko zawelera nyuma chifukwa cha suzgo la magesi, kusobeka unkhwantha kweniso kuchepa kwa phamphu na kujipereka.

Kwasono Malawi yili na banthu bajumpha 22 million ndipo pali chigomezgo kuti bangafika 24 million mchaka cha 2030 kweniso bangazakafika 45 million mchaka cha 2063. Kweni kwasono vinthu vikusintha pakuti banandi bakuchimbilira ku matauni uko ukhaliro ukukwera na 5-percent. Pali chigomezgo kuti kuumaliro wa chaka cha 2025 unandi uwu ungasazgikirakoso.

M'vyaka vyapakati pa 2014 na 2019 tikapangana kutebetera bina-Malawi ndipo tikafiksa milimo iyi:

- Palije munthu uyo wakafwa na njala nanga uli kukiza ng'amba na maji ghakututuka;
- Tikachiska Ulimi wa Nthilira na 13 percent, pa mahekitala 116,000 ;
- Tikakhizga inflation kufuma pa 27% kufika nambala yimoza m'chaka cha 2020;
- Tikaperekanga ndalama zakuwaro (forex) kwa miyezi inkhonde na umoza; izo mu 2014 zikasangikanga waka kwa mwezi umoza .
- Tikazenga ma Community College makhumi ghabiri (20) mcharo chose; ndipo tikaba bakunozgeka kusazgiraposo ghanyakhe ghankhonde na ghatatu (8) mchaka cha 2020;
- Baukirano bakujumpha 6,000 bakasambira ntchito za luso, ndipo bana bakujumpha 25,000 bakasanga mwabi wa masambiroghapachanya; apo mchaka cha 2014 bana 10,000 pera bakasanga mwawi wa masambiro ku ma university mchaka cha 2014;
- Tikabazengera nyumba 22,000 banthu bakusoberwa nga bacheckulu, bana balanda, vyokolo, banyithu ma Alubino kwizira mu ndomdomeko ya Decent and Affordable Housing Program (DAHP) iyo yikumanyikwa makora kuti Malata and Cement Subsidy programme.
- Pasi ba boma la DPP chuma cha Malawi chikendanga makora kuyanskana na vyaro vinyakhe vyakumwera kwa Africa.
- Tikalima na kunozgaso misewu yakuzirwa nga iyi: Chikhwawa - Ngabu - Bangula ; Lilongwe West Bypass ; Zomba - Blantyre ; Kunozgaso msewu wa Jenda - Edingeni ; Milepa - Chiradzulu ; Zomba - Jali - Phalombe - Chitakale ; Thyolo - Thekerani - Muona - Makhanga ; Liwonde - Mangochi ; Lilongwe Old Airport - Kasiya - Kasungu ; Mzuzu - Nkhatabay ; Karonga - Songwe ; Njakwa - Livingstonia ; Thabwa - Chitseko - Seveni . Tikazengaso ma ulalo panji ma biliji ghakujumpha 100 m'charo chose kusazgapo biliji la Chapananga.



- Boma la DPP likasanga ndalama zakunozgeraso misewu iyi: (1) Mchinji Round About kuluta ku Kanengo (China Aid); (2) msewu wa M1 kufuma ku Kanengo kufika ku Karonga (European Investment Bank) na; (3) kunozgaso msewu wa Kamuzu Procession (Japanese Aid)
- Mchaka 2018 boma la DPP likasanga wovwiri wa ndalama kufuma ku USAID zakuzengera sekondale sukulu 250 mu ma constituency 193. Boma la MCP latondeka kuzenga sekondale zanthuera izi mpaka benecho makopala bali kupoka waka. Kwizira ku ndondomeko ya EQUALS ya Banki Likulu pacharo chose tikasanga ndalama zakuzengera ma skulu za sekondale za Community zakukwana 100.
- Boma la DPP likazenga nakusazgilako nyumba na maofesi ku ma Univesite gha Boma na chakulata chakuti masambiro ghalute mnthazi. Univesite izo ni izi: Chancellor College, the Polytechnic, College of Medicine, Bunda College, Kamuzu College of Nursing, Natural Resources College, Mzuzu University kweniso Malawi University of Science and Technology (MUST).
- Mchaka cha 2019, Boma la DPP likajula ma Univesite ghapya pakusutula ghanji agho ghakaba ma koleji gha Univesite ya Malawi. Ma Univesite ghapya agha ni agha: University of Malawi (iyo kale yikamanyikwanga kuti Chancellor College), Malawi University of Business and Applied Sciences (iyo kale yikamanyikwanga kuti Polytechnic) na Kamuzu University of Health Sciences (iyo kale yikamanyikwanga kuti College of Medicine and Kamuzu College of Nursing). Ndondomeko iyi yovwira kuti charo chisangike na Univesite zinandi kuti nana banandi basambre.
- Tikamazga Quota System iyo yikaba ndondomeko yakusankhira bana kufuma ku sekondale kuluta ku Univesite. Ndondomeko iyi bakambiska mba MCP mchaka cha 1987.
- Tikalima misewu nakunozgaso yinyakhe mu misumba yose yinayi ya Mzuzu, Lilongwe, Zomba na Blantyre. Yinyakhe mwa misewu iyi ni: msewu wapakatikati pa msumba wa Mzuzu; msewu wakufuma ku Mphara Ya Marango mpaka ku Bingu





National Stadium ku Lilongwe, na msewu wakufuma pa Rounda-aboutya Chileka kwendera kwa Magalasi ku Blantyre. Tikalimaso misewu yinyakhe yinandi mu makomboni yamu misumba.

- Kwizira mu ndondomeko yakupereka magesi mu vikaya ya Malawi Rural Electrification Program (MAREP) 8, tikakozga magesi m'malo na vikaya ghakukwana 473.
- Tikazenga malo ghapachanya ghakupimilako vinthu (SQAM Laboratory and Offdice Complex) ku Blantyre na chilato chakuchiska nchito za malonda kuno na kuwaro pakulabisika kuti katundu wapachanya wakupangika na kupimika ku malo agha.
- Visuzgo vikabapo nadi pakugwira nchito za chitukuko. Limiza mwa masuzgo agha ni kuyandana kwa ise tabantu m'kati mwakusoerwa vinthu vyakwenelera pa umoyo withu. Bawukirano bithu awo bandafike vyaka 30 ndipo bali pa 70% ya unandi wa banthu mcharo chino. Kwa ise tikuwona kuti unandi wa bawukirano aba nchitumbiko chifukwa ndiwo bizamovwira pachitukuko cha charo chino.

Kufuma mchaka cha 2025 mpaka 2030, boma la DPP lizamulutirizga na milimo yakhe yakukwezga charo chino kusazgirapo ndondomeko yakulutilizga makora waka milimo yinyakhe iyo yikatondeka kumala pakati pa vyaka vya 202 mpaka 2025.

Tizamuyezeska kusanga ndalamu zakugwilira nchito za chitukuko. Chakulata chinthu nchakukuzga chuma chose na 6-percent. Boma la DPP likambiska mlimo wakuzirwa nga ndi uwu.

2

NTCHINDAMILA




Chipani cha Democratic Progressive Party nchipani chakufiska maphangano ghakhe. Tikupangana ivyo tingafiska. Tikufiska ivyo tapangana. Ndise ba phamphu. Ndise bakutemwa charo. Tikuchiska ulunji. Mutigomezge.

- Tikumanya kuti tinjilenge m'boma umo mulije kalikose chifukwa uko kukufuma wovwiri sono kwamila. Mvyaka vyapakati pa 2014 mpaka 2020, tikendeska boma kwambula wovwiri wakufuma kubanyithu kuwaro; kweni nchito zose zaboma zikendanga makora ghene. Ndise bakunozgeka kuzakendeska boma na vinjeru ivyo tikagwiriskapo kale nchito kumanyuma uku.
- Tizamuchiska ulimi kuti banthu babenge na chakurya chakukwana kweniso kuguliska kuwaro.
- Ise nga chipani cha Democratic Progressive Party tikumanya kuti charo chingatukuka chara para umoza palije; anthuera tizamuchiska waliyose kutebeta nawo milimo yakovwira kukwezga chuma cha charo chino. Tizamuchiska fundo yakuti "Malawi yumoza, Chakulata chimoza".
- Tizamuchiska fundo yakuepereka masambiro kwa waliyose kwmabula kulabiska kawiro kakhe. Tizamwambiska fundo zapadera zakovwira kuchiska mwana waliyose kuti wasambire mwakufwasa. Mwachiyerezgero; bana ba matenda gha suzgo la wongo (autism) na banyawo bose awo mbakusuzgika mnthowa zakupambanapambana bizamupiwa mwawi kuti basambirenge mwakufwasa.
- Boma la DPP ndilo likambiska wupu wa National Planning Commission ndipo tizamulutilira kovwira wupu uwu kuti ugwiremakoranchitozakhezakuchiskachitukukochamalawi. Ise tizamweghamira chomene pa fundo yakuchiska nchito za mafakitare na malonda m'malo mwakugomezga waka wovwiri wakupokera kufuma kunyakhe. Mwachiyerezgero; tizamukwezga sukulu yiliyose ya primary kufika pa sekondale na chakulata chakuti bana banandi bizakasange mwabi wa masambiro pakuzakafika mchaka cha 2063.
- DPP njakunozgeka kuchiska bomama kuchita bizinesi mwakufwasa kweniso mwakuti basangenge chandulo; ndise bakunozgeka kukwezga bomama mu mipando yinandi yakuzirwa kusazgirapo ku Mphara Ya Marango, Baraza la Nduna za Boma kweniso pa nchito zakupambanapambana zakukwezga charo chino.
- DPP yizamulutilizga fundo yakusambizga baukirano nchito za luso mu Community Technical Koleji..
- Tizamulutilizga kovwira na kupwelelera bachekulu na bose awo mbakusoherwa.
- DPP nakunozgeka kupereka chivikiliro chakuwana ku ma bizinesi ghakuzomerezgeka, bimiliri ba vyaro vyakwawo awo bali kuno kwithu, kweniso ku mawpu ghakufuma kuwaro kuti bagwirenge nchito zawo mwakufwasa.
- DPP njakunozgeka kuchiska unkwantha pa kendeskero ka chuma pakuzomerezga kafukufuku kufumira ku sukulu zapachanya (ma Univesite).
- DPP njakunozgeka kuchiska nchito yakupwelelera chuma na vilengiwa vya charo chino ku banthu bakhallenge mwakusangwa.
- DPP yizamusola nduna zichoko waka zakwendeska boma.
- Tizamusola Balembi Balala bakwendeska nchito za Boma kuyana na unkwantha uwo bali nawo.
- DPP yizamunozgaso makora fundo zakendeskero ka nchito za mawpu gha Boma.
- Boma la DPP ndakunozgeka kuchiska wene na wene na vyaro vyakuwaro na chakulata chakuchiska malonda ghaweme na chakulata chakuti Malawi wasange chandulo cha banthu bakhe. Apo bina-Malawi awo bakukhala kuwaro mbanangwa kugwiriska nchito passport zibiri (dual-citizenship status) ise tizamubachiskaso kuti bapiwe mwawi wakovwira pa chitukuko cha charo chino.
- Tizamwambiska mnthavi wapadera kuti uzakagwirenge nchito na wupu wa National Planning Commission pakulabisika kuti manifesto ghithu on 2025 - 2030 ghakulondezgeka pagwira nchito za chitukuko cha charo chino.



3

NDONDOMEKO ZALOWWIRA KUKHOZGA CHUMA



DPP yikumanya kuti chuma cha charo chino chingakwera mwalubiro kwizira mu ndondomeko ya MIP-1 usange nchito za makampani zingapiwa mwawi wakutebeta milimo yawo mwakufwasa na kujiperekwa. Mu vyaka vinayi ivyo vyajumpha, nchito za malonda zindayende makora yayi. Inflation, iyo ni mphambano pakati pa kopala la charu na katundu uyo muli nayo, yikakwera chomene pakati pa vyaka vya 2021 na 2024 pakati pa 25-percent na 34.2 percent mpaka kufika mu miyezi yitatu yakwamba ya mchaka cha 2025. Pali choфyo kuti ivi vingafikaso mwezi wa August 2025. Kendeskero ka chuma (policy rate) nako kandasinthe chomene chara ako kali pa 26 percent kufuma pa 12 percent mchaka cha 2020.

Kasungiro ka kasangiro ka ndalama zakuwaro (forex) nakoso kawelera nyuma chomene kuluska umo vikendelanga mvyaka khumi ivyo vyajumpha. Chachitima chomene kweniso chakofya chomene nchakuti ngongole za charo chino zafika pa 16.4 Trillion Kwacha kufuma pa 4.1 Trillion Kwacha mchaka cha 2020. Ivi vyachitiska kuti charo chino chendenge mwa penthya-pentyha. Kendero ka chuma (GDP) kali pa 1.0 percent. Mchaka cha 2024 kendeskero aka kakhakhira na 1.8 percent. DPP njakunozgeka kuzakatondana na visuzgo ivi pakulondezga fundo zakovwira kukwezga chuma cha charo chithu kufika pa 6.5 percent kufuma mchaka cha 2028 mpaka 2030.

3.1 KUCHISKA KENDESKERO KAKWENELERA KA CHUMA

Boma la DPP lizamuchiska fundo zakwenelera pakendeskero kachuma mwakuloranako na uchitiro wakujikola kweniso kughaghanira charo cha Malawi na nchito zakhe:

3.1.1 KUJIKOLA NA KUGHAGHANIRA CHARO

Boma la DPP lizamuchiska fundo zakovwira kuti charo chendeskenge makora chuma chakhe na kusungako K500 billion mchaka cha 2026, K700 billion mchaka cha 2027, na

K1.5 trillion pa chaka kufuma m'chilimika cha 2028 mpaka 2030. Boma la DPP lizamuchita ivi:

- Kusola Nduna za Boma zichoko waka.
- Kuchepeska ndalama izo zikupelekeka ku Nyumba za Boma.
- Kwimika dankha kugula galimoto zipya zakwendamo balala bantchito za Boma.
- Kukhwimiska kendeskero ka chuma cha boma kwendera mu ndondomeko ya Integrated Financial Management Information System (IFMIS) kweniso kovwira ma Unduna na Madipatiment kuti ghaleke kusakaza chuma.
- Kwambiska na kuchiska ndondomeko ya kasangiro ka chuma ya Domestic Revenue Mobilization Strategy (DRMS) na chakulata chakukwezga chuma na 5 percentage mchaka cha 2030 kwizira mu kukhozga nchito za misonkho na ndondomeko zose zakwenelera kuti banthu baleke kugwentha kupereka misonkho yakupambanapambana, kwambikaso mwakwenelera ndondomeko ya VAT.
- Kugwiriska nchito ndalama pamalo ghakwenelera mwakulondezga ndondomeko yavya chuma.
- Kulabiskaso makora ndondomeko yakupereka mbuto na fataleza ya Agriculture Input Program (AIP) na chakulata chakufikira nadi iwo awo mbakwenelera kuti balimenge makora.
- Kulabiskaso makora VAT pa magalimoto agho balala banchito za Boma bakugula na chakulata chakuchiska ulunji.
- Kuchiska urunji pa kandeskero na kagwiliro ka nchito mu mawupu gha Boma.
- Kuwezgelaso ku malo kwakwe kwakale ma likulu gha mawupu gha Macra, MHC, MBC, Prison Services, NSO, na ghanyakhe agho ghaki kusamila ku Lilongwe.
- Kutumako banthu bakwenelera ku nchito za boma, nga nchito za Ukarzembe na zinyakhe.
- Kulabiskaso makora kendeskero ka nchito za Mphara Ya Marango.





Fundo izo zizamovwira charo chithu kusunga K5.15 trillion. Makopala agha ghazamovwira boma kuwezga vikwerete vyakhe ivyo sono ni vinandi chomene.

3.1.2 KUKHOZGA MLIMO WAKUSANGA NA KUSUNGA MAKORA FOREX

Boma la DPP ndakunweka kuchiska mlimo wakusakata na kusunga makora ndalama zakuwaro (forex) .Mu miyezi yinkhonde tizamuchita ivi:

- Ndise bakunozgeka kukolenako makora na wupu wavya chuma pacharo wa IMF nakuchiska fundo zakwenelera kukwezga chuma cha Malawi.
- Tizamuchiska ubale na mawpu ghapateli na pafupi mu ndondomeko ya vyaka khumi (Ten-year USD 1.5 - USD 2.0 Billion) na chakulata chakukhozga kasangikiro na kasungiro kaweme ka ndalama zakuwaro.
- Tizamuchiska ubale uweme pakati pa Banki Lithu (Reserve Bank) na mabanki ghanyakhe kuti banki lithu lileke kusanga visuzgo pakugula katundu nga fataleza, mafuta na minkhwara pakukwezga chikhole cha boma cha US\$500 million.
- Tizamumazga ivyo boma lasono likuchita pakusamiska ivyo tikuti Foreign Currency Dominated Accounts (FCDAs) kufuma ku ma bank kuluta navyo ku Reserve Bank.
- Tizamumazga fundo zose zambula kwenelera pakendeskero ka ndalama zakuwaro mu mawpu agho nga Boma chara kweniso ku maofesi ghithu gha ukazembe.
- Tizamuamazga fundo zinono izo zikutondeska banthu na mabizinesi kufiska makora milimo yavo.

Fundo izi zizamovwira kuti ndalama zakuwaro zileke kusoba m'charo cha Malawi nakuti banji baleke kubisa ndalama izi kuwaro kwa ma banki.

3.1.3 FUNDO ZAKWENELERA PAKUKHOZGA CHUMA

DPP yikumanya makora kuti chuma cha charo chino chikwenda makora chara apa tikulazga ku visola mu September. Tikumanya kuti banchito za biznesi bakutambula chomene mkatimkati mwa ulendo uwu. Vinthu vikaba ntheura yayi vyaka vinkhonde ivyo vyajumpha. Makampani ghanadi sono ghafumiska nchito banthu bakhe chifukwa cha visuzgo nya chuma. Kugula na kutuma katundu kuwaro ni masuzgo chifukwa cha kusoba kwa ndalama zakuwaro. Inflation sono yafika pa 30 percent, ndipo uwu ni mlingo uhene chomene kuyaniskana na umo vinthu vikabira vyaka khumi ivyo vyajumpha.

Ise tanozgeka kuchiska fundo zakwenelera kukwezga chuma, kutondana na inflation kweniso kwambiska nchito zinandi. Ise tizamuchita ivi:

Kujintha fundo za chuma (monetary policy rate) zakwenelera kutondana na inflation mkatimkati mu visuzgo.

Kukhizga maunono pa kendeskero ka chuma kufuma pa 26 percent mchaka cha 2025 kuzakafika pa 10 percent mchaka cha 2028.

Kuwezgako kabwelekero makopala ako boma likuchita kufuma pa 17.9 percent mchaka cha 2025 kufika pa 10 percent mchaka cha 2028.

3.1.4 KUJIKOLA PA NKHARO YA VIKWERETE

Charo cha Malawi chili mu ngongonle yikulu chomene iyo yikupangiska kuti vinthu vileke kwenda makora. Ku umaliro wa 2024, ngongole ya charo chose yikaba pa K16.19 trillion. Ngongole iyi yawezgera nyuma nchito zinandi mcharo chino.

Boma la DPP lizamuchita ivi pa :

- Tizamulondezganga ndomendomeko zakwenelera pakubwereka panji kukwereta ndalama.
- Tizamuchiska vindumbilano vyakovwira kumazga panji kuwezgako vikwerete.
- Tizamubanekanga makora-makora nakulabiska pala



nchakwenelera kukwereta panji chara .

Tizamuwoneseska kuti tichepeske kukweretanga bweka nakubaneka ivi kwa vyaka vibiri.

Tizamubwerekenga ndalama na chakulata chakugwilira nchito za chitukuko mmalo mwakugwiriska nchito zinyakhe.

Tizamunozga ndondomeko yapadera yakovwira kulabiska makora vikwerete pakati pa vyaka vya 2025-2030.

Ndise bakunweka kuzakachiska ndondomeko yakovwira kuti Boma lisungengeko ndalama pafupufupi zakukwana MK 270 Billion (1 percent ya GDP) pa umaliro wa chaka cha 2026.

3.2 NTHOWA ZAKUSAKATIRA NDALAMA

Boma la DPP lizamuwoneseska kuti likugwiriska nchito ndalama pa vinthu vyakwenelera kweniso lizamuchiska fundo yakuti Boma lileke kukuwereta makopala bwekabweka. Ivi vizamovwira kuti bana bithu na bazukulu bawo mnthazi baleke kuzakatambula na ngongole izo zilipo. Manifeso ghithu ghakuchiska fundo zakovwira kasakatiro kaweme ka ndalama. Boma la DPP lanozgeka kuzakachiska fundo izo zingamanya kufiska nthowa zakovwira kusakata ndalama mu ndondomeko yakhe yavya chuma --- MK 28.5 Trillion mu vyaka vinkhonde. Ivi vizamovwira kuti chuma cha Malawi chikwele na 1.5 percent kuwambiro wa chaka cha 2025. Tizamuchiska fundo yakovwira kuti kawiro ka chuma (GDP) kazakakwelereko na 2 percent.

3.3 KUKUZGA NCHITO ZA CHUMA

Pala chuma chakhazikika, boma la DPP lizamwambapo kuchiska nchito za mafakitare na malonda nga umo yikuchiskira fundo ya chitukuko kwizira mu chifungu cha MIP-1, ndipo tanozgeka kuzakagwiriska nchito ndalama MK6.35 trillion izo tizamusunga cha ndondomeko zakupsya izo taphala kuchanya uko. Ndalama izi tizamunjizga mu nchito zakwenelera zakovwira kukwezga chuma. Kubwereka kwithu kwa ndalama kufuma ku vyaro na mawupu awo bakutivwira kuzamuchitikanga





mwakulondezga fundo zakukhozga chuma. Tizamuwoneseska kuti paumaliro wavyaka vyapakati pa 2028 mpaka 2030, boma likusungako ndalama zakwenelera kujumphha pa mlingo wa 1-percent mu kawiro ka chuma chithu.

Ndise bakunozgeka kukwezga nchito zachuma kwizira mu:

- Nchito za magesi na mafuta.
- Migodi
- Mendero na ukhaliro - njanji (sipolo) , misewu , malo ghapachanya ghakuchitirako malonda, mafakitare , vibanja vya ndege, maulendo ghapa sitima zapamaji , nthowa zakukafikira kunyaja za mchere.
- Ulimi na mafakitare gha mbuto nga thonje, soya, na nyauthi.
- Fundo zakovwira kulabiska makora katundu wakuchemeska kufuma kuwaro
- Kuchiska vyakupanga katundu wapachanya wakutuma kumisika yakuwaro.
- Kuchiska nchito yakuchema balendo bakutali.

3.4 KUCHISKA MISIKA YAKWENELERA MU KENDESKERO KA CHUMA

Boma la DPP ndakunweka kuchiska fundo zakovwira kukhozga kendeskero kaweme ka chuma kusazgirapo milimo ya insurance na ndalama zakupokera pala munthu wapumula panchito.

Mwakulongozgeka na fundo za chitukuko za Malawi 2063, Boma la DPP ndakunweka kuchiska nchito za chitukuko kwendera mu fundo zikuluzikulu zinayi: Ulimi na mabizinesi kwizira ku mafakitare ghakupanga katundu kufuma ku vuna la mbuto zakuzirwa, Nchito za Mafakitare na malonda, Chitukuko chamtawuni na Fundo ya Nkhongono ku banthu.

4

ULIMA BIZNESI



Chuma cha Malawi chikweghamira chomene pa ulimi, uko kukufuma 30-percent yakukhozga kawiro ka chuma chakhe (GDP). Ivi vyakhala mwanthuera kwa vyaka khumi ivyo vyajumpha. Kweni ujula ngwakuti ulimi uwu ukweghamira chomene pa balimi bachokobachoko ndipo ulimi uwu ukulemba nchito 80-percent ya banthu awo tuikukhala mcharo chino. Nchachitima kuti ulimi uwu ukusangana na visuzgo vinandi chomene ndipo tikutondeka kuti tilute mnthazi. Limoza mwa masuzgo agha ndakuti tikugomezga waka ngoma nga chakurya cha tose.

Malawi yikugomezga chomene ngoma nga chakurya chakhe chakudanga; kwambula kumanya kuti paliso mbuto zinyakhe izo zingovwira kuti banthu basangenge chakurya chakukwana. Mbuto zinyakhe izo zingovwira banthu kuti basangenge chakurya chakukwana ni: vikhawu panji mayawo, mbohole panji mphatata, nthochi panji makombwe, nyauthi panji tirigu na katofeni.

Hona wakovwira kuti chuma cha Malawi chikwere; kweni paliso mbuto zinyakhe izo zingamanya kukoleranako na hona kuti chuma chikwere. Mbuto izo ni: tiyi, shuga, ntchunga na mbuto zakukozgana na ntchunga, thonje na skaba.

Boma la DPP ndakunweka kuchiska ulimi nga biznesi. Tizamugwira mlimo uwu mwakulondezga ndondomeko zakuzomerezgeka kweniso fundo zakwenelela.

Boma la DPP ndakunozgeka kufiska ulimi pakuchiska maluso ghapya pakati pa balimi nga kupanda mbuto mu tunyumba uto tukumanyikwa kuti Greehouse kweniso kuchiska ulimi wa vipaso, kubeta vinyama, kubeta somba na kulima mbuto nga ntchunga, ndozi, zgama, skaba na zinyakhe. Ulimi uli pamtima pithu.

Kuti milimo iyi yifiskeke, boma la DPP lizamuchita ivi:

- Tizamuchiska ulimi wa mbuto zakupambanapambana kuti balimi basangenge ndalamu, balimi bizakasangengeso chakurya chakukwana kweniso chakovwira kulera thupi. Mbuto zapadera zakovvirana na ngoma ndizo tizamuchiskanga kuti banthu bapandenge.
- Mwachiyerezgero:
- Tizamuchiska ulimi wa lupoko panji malezi na nyauthi kweniso mbuto zinyakhe zakucha lubiro ku chiwa cha Lower Shire.
- M'vigaba vyamusi mwa Nyanja ya Malawi na maboma ghanyakhe ghakuchanya kwa mronga wa Shire, tizamuchiska ulimi wa ngoma zakucha makora izo zili na michere ya Vitamim A, mpunga wakucha lubiro, mphatata kweniso mbuto zinyakhe nga mayawo, nchunga, nyamndolo na thonje.
- Kuchiska nchito za ulangizi kuti ulimi wende makora;
- Kulemba nchito na kubasungilira balangizi bamu ma EPA kuti bawe bakukhazikika;
- Kujulaso malo ghakusambizgirako vyakupwelera nyata (Land Husbandry Training Centre), na kunozgaso malo ghakusambizgilako balimi pachigaba ma Residential Training Centres na ma Day Training Centres) kweniso kukhozga nchito za malo gha kafukufuku.
- Kuperekanga nkhumbusko (refresher courses) kwa balangizi bavya ulimi.
- Kuchiska wene na wene pakati pa balingizi na balimi kusambizgana vyta nthowa zipya.
- Kunozganso makora fundo za Ulangizi ;
- Kusazgirako ndalamu zakwendeskeru ulimi kufuma pa 20 percent, kwasono, kufika pa 40 percent mchaka cha 2030.
- Kuperekanga lubiro mbuto na fataleza kweniso vyombo vinyakhe vyta ulimi ku balimi malwande ghose:
- pakumazga visuzgo ivyo vikusangika pakugaba katundu nga fataleza na mbuto ;



- kujula fakitare yakuphika fatareza;
- kunozgaso makora ndondomeko yakugaba fataleza na mbuto kwa balimi ya Farm Inputs Subsidy Programme (FISP) kweniso kwambiska na kuperekwa visambizgo vyakwenelera ku makilabu gha balimi;
- kujula lwande lakuperekva vikwerete vya ulimi ku magulu gha balimi (ma cooperatives) na chakulata chakovwira balimi malwande ghose, baminda yichoko na yikulu uwo. Lwande ili lizakakoleranengeko na ma bank ghamcharo chino.
- Kuchiska fundo zakovwira kuti mbuto zileke kusoba
-
- Kuchiska fundo zakovwira ulimi wa mbuto zapadera izo zingamanya kuziska chandulo pakati pa balimi nga hona mkulu mzizimu (industrial hemp), maluwa , vipaso, mpunga, nyauthi, ndozi na ntchunga, nthonje, macademia kweniso vibeto.
- Kuchiska ulimi wa nthilira pakuperekva vilwero na vyombo pamoza na ulangizi wakwenelera. Ivi vingovwira kuchiska ulimi nyengo yose. Boma la DPP ndakunweka kuchiska ulimi wa nthilira kufuma pa mahekitala 116,000 mchaka cha 2025 kufika pa mahekitala 147,000 mchaka cha 2030.
-
- Kujula ma fama ghabiri gha boma ghakusambizgilako ulimi wa nthilira na kulimanga mbuto zakupambanapambana
- Kuchiska banthu na makampani kwamba ulimi wa nthilira mu mahekitala 60,000 kufika mchaka cha 2030.
- Kunozgaso makora nchito za wupu wa ADMARC kuti wupu uwu ugwirenge makora nchito zakhe pakutuma katundu kuwaro na kuno kwithu uwo.
- Kuchiska ndondomeko yiweme ya kendeskero ka katundu (Commodity Exchange) kuti balimi basangenge chandulo chenecho pa ulimi wawo.
- Kuwoneneska kuti ku nkhokhwe za charo (Malawi Strategic Grain Reserves) kuli chakurya chakukwana pafupufipi matani 150,000.





- Kuchiska kafukufuku wa ulimi wakovwira kutondana na kusintha kwa nyengo.
- Boma la DPP lizamuchiska vyakuti balimi basangenge vyombo nga matalakita kuti ulimi wawo ulunthe mnthazi chifukwa tikumanya kuti vilwero nga ndi ivi vikovwira pa ulimi.
- Kuchiska ndondomeko yakovwira balimi kusanga ndalamu zakugulira vilwero vya ulimi vyakugaula na nchito zakhe nga kupopela vidonono vyamu mbeu. Boma la DPP ndakunweka kuchiska fundo yakovwira balimi kuti bagulenge katundu uyu pamtengo uweme.
- Kujula mafama ghachiyerezgero, ma cooperative kweniso malo na nkhonkwe panji nthamba zakusungilako chakurya m'vikaya (village grain banks).
- Kuchiska fundo yakovwira balimi kuti baleke kusoba misika ya ivyo bakolora;
- Kwambiska misika yipyya ya mbuto, katundu na vyakukolora;
- Kunozgaso makora misika iyo yilipo kale;
- Kuchiska ulimi wapachanya nga nuwo tikuti contract farming na vinyakhe;
- Kuchiska ulimi wakubeta somba mu malwande ghose nakuti balimi m'vikaya bajime madamu na ma pond; kweniso kuchiska vyakuti chakurya cha somba chisangikenge posepose;
- Kuchiska ulimi wa vibeto:
- Waliyose watolepo lwande pa mlimo wakwandaniska vibeto;
- Kuchiska fundo yakugabana vibeto nga ng'ombe, mbuzi na nkhuku pakati pa balimi ba vibaya vichoko;
- Kuchiska fundo yakutondana na vidonono mu vibeto;
- Kuchiska ndondomeko yakwandaniska vibeto: ng'ombe, mbuzi, mberere na nkhuku.
- Kuchiska luso lipya mu ulimi wa vibeto;
- Kwambiska mafakitare ghamvikaya ghakupangirako vinthu vyakufuma ku mkaka.

4.2 NTCHITO ZA MAFAKITARE

Boma la DPP likumanya uweme wakupanga katundu kufuma ku vyakukolora vinthu. Nthuera ndise bakunweka kuchiskafundoyakutibalimibizakasangengemwabiwakupanga katundu wapachanya kufuma ku ivyo iwo bakolora. Kuchita nthuera kuzamovwira kuti tiguliskenge ku misika yakuwaro. DPP njakunweka kuchiska mlimo uwu kwizira mu vinthu vinkonde na chimoza: katundu wakufuma ku ulimi, nguwo na vyakuvwala, katundu wakufuma ku migodi, minkhwara, nkhongono ya zuba na mphepo kweniso luso lipya. Chigaba chilichose chizamovwira kukwezga chuma pakupanganga katundu wapachanya na kulemba nchito banthu.

Kufumira ku ulimi, ndise bakunozgeka kujintha mafakitare ghachokoghachoko mu vigaba vyose vya charo chino kuti ghapangenge katundu wapachanya kufuma ku soya, nyauthi panji tirigu, mpunga, tiyi, ethanol, somba, vipaso na mphangwe. Ndise bakunozgeka kuchiska ulimi wa thonje kuti milimo yakupanga salu na mahiya yiwelero m'malo mwakhe kweniso kulemba banthu nchito. Kulwande lwa migodi, tizamulekeska vyakuti banthu batoleke waka malibwe ghithu na chakulata chakukaghapima kuvyaro vyakuwaro. Ivi vikutipoka mwabi wakukwezga charo chithu.

Tizamukhazikiska malo ghankonde ghakugwilkirako milimo iyi. Ku Lilongwe tizamubikako fakitare yakupanga katundu wavya ulimi. Ku Blantyre kuzamuba fakitare yakupanga mahiya na salu zamtundumtundu. Ku Mzuzu tizamubikako fakitare yakupanga katundu kufuma ku mathabwa, katundu kufuma ku migodi, na nkhongono ya zuwa na mphepo.

Ku Mangochi kwamuwa fakitare yakupanga katundu kufuma ku somba kweniso tunthu twakuchema balendo. Ku Karonga kwamuba malo ghakovwira kukhozga malonda pakati pa charo



chino na vyaro vinyakhe. Mwabi wakugwira nchito mu malo agha uzamupiwa kwa bawukirano bithu.

Boma la DPP lizamuchiskaso wene na wene pakati pa boma na makampani chifukwa tikumanya kuti mu umoza muli nkhongono; kwenisotikumanya kutilusolakupambanapambana ndakuzirwa pa chitukuko nga ndi ichi.

Tikumanya kuti babale awo bali kuwaro bangavwira pa nchito za chitukuko, nttheura boma la DPP lizamupereka mwabi kwa iwo kuti nawo batolengeko lwande lakuchiska nchito izi. Banthu awo bali kuwaro bangapiwa mwabi kuti baperekenge luso na chuma chawo mu nchito nga ndi izi kuti chuma chithu chikwere. Ndise bakunweka kuzakajula ofesi yapadera kuwaro kwa charo chino kuti yizakendeske mlimo uwu lumoza la boma.

Tili na chigomezgo kuti pakuzakafika mchaka cha 2030, nchito za mafakitare zizamutovwira: kulemba banthu nchito izo 70 percent zizamuluta ku bawukirano bithu. Nchito za mafakitare zizamovwira kupanga katundu wapachanya uyo tizamuguliskanga ku misika yakuwaro kweniso kuvikilira mawe (malibwe) ghithu kufuma ku migodi.



4.2.1 MIGODI

Nchito ya migodi ni fundo yimoza iyo charo cha Malawi chikugomezga pakukwezga charo malinga na ndondomeko ya Malawi 2063. Kwasono nchito za migodi zikovwira waka na 1 percent pa milimo yakukuzga charo chithu (GDP). Nchito za migodi zikusangana na masuzgo ghanandi kusazgirapo vyakusobekera kwa unkhwantha, vyombo, visambizgo vyakwenelera kweniso banthu bakugwira nchito iyi mu maboma na malo ghakunjilira na kufuma mcharo chino.

Tikumanya kuti malango ghakwendeskera nchito za migodi ghalipo kale ndipo vili kwa ise kuvikilira malango agha: Mines and Minerals Act, Mines and Mineral Policy, Petroleum Exploration Act, Explosives Act, Artisanal na Small-scale Mining Policy.

Kwizira mu manifesto agha, boma la DPP ndakunweka kuchiska ivi:

- Kuzengelera malo ghose uko kuli mawe (migodi) nga umo tayowoyeru mu (table 1) kwizira mu kampani ya boma yakuwona migodi ya Mining Company (MAMICO), kusazgirapo ivi:
- Mawe gha tantalum, zircon, niobium ku Kanyika ku Mzimba, ku Songwe ku Phalombe, ku Makanjira ku Mangochi na ku Kanga Nkude ku Balaka.
- Mawe gha Graphite ku Malingunde ku Lilongwe) na ku Ilomba ku Chitipa.
- Mawe gha Ruby ku Chimwazulu ku Ntcheu.
- Mawe gha Bauxite ku Mulanje
- Malasha ku Karonga na malo ghanyakhe.
- Mgodi wa Rutile ku Kasiya ku Lilongwe.
- Kuchiska kapenjelezgero ka mmalo uko kuli mawe nakulabiska milimo yakuvikilira mawe agha.
- Kuchiska malango ghakwenelera pakwendeska nchito za





migodi kusazgilapo ivyo vilipo kale kuti mlimo uwu ukhole pawekha. Ivi vizamovwira kuti mawe ghithu ghagulikenge pamtengo uweme kuwaro.

- Kuwoneneska kuti pali wene na wene pakati pa boma na makampani pakugwira nchito za migodi kwizira mu ndondomeko ya Public Private Partnerships (PPP). Tizamuvikilira mawe ghithu pakukanizga vyakughatuma kuwaro pambere tindapange katundu wakwenelera kufuma ku mawe agha.
- Tizamuchiska vyakuti nkhongono za magesi ziliko nyengo yose kuti nchito izi zileke kugona.
- Tizamuchiska fundo yakupanga vilwero vuakugwilira nchito za migodi kuno kwithu.
- Tizamuchiska fundo yakuti banthu balongolenge kunweka pa milimo ya migodi.
- Timzamuchiska umoyo uweme wa banthu bakugwira nchito mu migodi.
- Tizamuchiska misika yakugomezgeka yakuguliskako mawe ghithu.
- Kupanga katundu kufuma ku mawe ghithu kuti charo chisangenge makopala ghenecho.
- Kupereka makopala ghakugwilira nchito zakhe ku kampani ya Malawi Mining Investment Company (MAMICO) zakukwana K500 billion kuti nchito zakhe zileke kuwelera nyuma.

MINERAL DEPOSITS IN MALAWI: TABLE 1

MINERAL TYPE	LOCATION	DELINEATION RESERVES (Million tons/grade)
Bauxite	Mulanje	28.8/43.9% Al2O3
Uranium	Kayelekera	12.5/0.2% Ur3O8
Gold; Copper; Gypsum; Diamond; Nickel; Niobium	Balaka	
Monazite/	Kangankunde	11/ 8%
Rutile	Kasiya	1.32% rutile
Corundum	Chimwadzulu-Ntcheu	
Graphite	Katengeza	8.0/75.6gm per m ³
Limestone	Malowa Chenkumbi	15/48% 10/46.1%
Titanium and Heavy Mineral Sands	Nkhotakota-Salima Chipoka Mangochi Halala	700/5.6% HMS 680/6.0% HMS 15/6.0 % HMS
Vermiculite	Feremu	2.5/4.9% (
Coal	Mwabvi - Nsanje Ngana - Karonga Mchenga	4.7/30% ash 15/21.2% ash 5/17% Ash, 0.5% Sulphur and calorific value of 6,800kcal/kg
Phosphate	Tundulu-Phalombe	2.017% P2O5
Pyrite	Chisepo Malingunde	34/8% S 10/12% S
Glass Sands	Mchinji	1.6/97% SiO2
Dimension Stone	Chitipa	Blue, Black, Green, and Pink Granite
Gemstones	Mzimba	Numerous pegmatites and volcanic
Rare Earth	Phalombe	

4.2.2 MENDERO

Boma la DPP likumanya visuzgo ivyo banthu bakusangana navyo kuti katundu wawo wakafike ku misika yakwenelera. Nchakuzirwa kuchiska mendero ghakugomezgeka pakupereka miseu yiweme, njanji panji sipolo yakugomezgeka, maulendo ghapa maji. Mendero agha ghizamovwira kuti banthu bendenge makora na katundu wawo kufuma kukaya kukafika navyo ku misika yakwenelera.

Kwasono tili na visuzgo chifukwa mendero ghithu chomene tikugomezga gha pamsewu. Ise nga boma la DPP tanozgeka kuchiska mendero ghakugomezgeka pakusazgilapo pa mendero ghapa msewu, tizakabeso na mendero gha mtundu unyakhe. Ndise bakunozgeka kuchiska mendero ghaweme pakati pa charo cha Malawi na vyaro vinyakhe:



Nthowa yakuluta ku ma dowooko gha Nacala na Beira

Charo cha Malawi chikugomezga madowooko gha Beira na Nacala ku Mozambique pakutuma nakupokera katundu wakhe. Boma la DPP lanozgeka kuchita ivi:

- Kunozgaso makora sipolo zakufuma ku Liwonde kuluta ku Nacala.
- Kujula malo ghapadera ku Liwonde ghakufikirako nakusungilako katundu.
- Tizamulutilizga kuzenga dowooko la Nsanje World Inland Port.

Kwambiska mendero gha pakati pa Quelimane na Beira.

Nthowa yakufuma ku Quelimane kuluta ku Beira njakuzirwa chomene, nthuera ise nga DPP tizamuchita ivi:

- Kuchiska vidunbirabo na Boma la Mozambique kuti nase tendengepo pa nthowa iyi ya Quelimane na Beira/Nacala.
- Kukhozga mendero ghapa msewu pakati pa Quelimane na Blantyre, kulabiska umo katundu withu wangendelanga makora.

Kunozgaso makora Sipolo/Njanji

- Ndise bakunozgeka kunozgaso nthowa ya pakati pa Nacala na Sena kufika ku Malawi.
- Kunozgaso njanji/sipolo pakati pa Blantyre na Lilongwe.
- Kuchiska umoza pakati pa boma na makampani (PPP).
- Kuzenga njanji/sipolo zakufuma ku TAZARA ku Tanzania kuzakafikaku Chilumba panyanja ya Malawi.

Mendero gha Sitima zapamtunda

- Kwambiska ulendo wa sitima zapamtunda zakuyegha banthu pakati pa Blantyre na Lilongwe.
- Kwambiska mendero gha sitima zapamtunda ghapachanya (passenger coach) kufuma ku Nsanje mpaka ku Mchinji pakwendera ku Liwonde, Salima na Lilongwe.





Mendero ghapa Nyanja

- Kwambiska mendero ghapachanya ghapa Nyanja ya Malawi pakati pa Makanjira, Monkey Bay, Chipoka, Nkhata Bay, Likoma, Chizumulu na Chilumba.
- Kugula sitima zipya na vyombo viweme mu madowoko ghithu kweniso pa Chikwa cha Likoma.
- Kuchiska makampani kugwira nchito na boma pa mendero ghapa Nyanja.
- Kwambiska mendero gha pakati pa Dar es Salaam na Mbamba Bay kufika ku Chilumba na Nkhata-bay (the Mtwara Transport Corridor).

Mendero ghapa Ndege

- Kuzgosa Malawi kuwa malo ghakutowa kwendako pakuchema ndege zinandi kuzakadeka ku vibanja vyakuno kwithu.
- Kusazgilako kawiro ka vibanja vya Chileka na Kamuzu International kuti vikozgane na vibanja vyakuwaro kwa charo chino.
- Kusazgirako vyombo vyakwenelera vyakugwilira nchito pa vibanja vya Chileka na Kamuzu International.
- Kuzenga chibanja chipya ku Mzuzu, nakunozgaso vibanja vya Karonga, Mangochi, na Salima.

Mendero ghapa msewu

- Kuchiska vyakuyinozgaso misewu yithu,
- Kagwiriskiro nchito kakwenelera ka ndalamu zakufuma ku vipata vithu vyapa msewu (Toll-gates) kuti zovwirengu mu vigaba na maboma uko vipata ivi vili.
- Kugeleda misewu yamu vikaya na wovwiri wa Constituency Development Fund (CDF)
- Kusambizga banthu vya uweme wakugwiriska nchito mendero ghose ghapa msewu, panyanja na padenge.
- Kuchiska unkhwantha na kagwiliro kanchito kaweme ku vipata vinthu vyakunjilira na kufuma mcharo chino.

Boma la DPP lanozgeka kuzakalima nakunozga misewu m'vigaba vyose vya charo chino mwanthuera: Mangochi-Makanjira

- Rumphi-Nyika-Nthalire-Chitipa
- Likuni-Malingunde-Chileka
- Dzaleka-Ntchisi-Mpalo-Malomo
- Tsangano-Neno-Mwanza
- Chitipa-Mbilima
- Nsanama-Nayuchi
- Lirangwe-Namatunu-Chingale-Machinga
- Rumphi-Nyika Turnoff-Hewe
- Thyolo-Khonjeni
- Salima-Nkhotakota Lakeshore
- Mzimba-Ezondweni-Njakwa
- Thabwa-Mkhate-Fatima East Bank
- Zomba-Liwonde
- Salima-Mangochi
- Balaka - Chilipa -Mangochi
- Golomoti - Monkeybay Turnoff
- Chikwawa - Thyolo - Mulanje

Boma la DPP lizamulima nakuzenga misewu yakuzwetelera misumba (by-pass roads) mwanthuera:

- Mzuzu West Bypass
- Lilongwe Eastern Bypass
- Blantyre Ring Bypass

Nchito zapa Malo ghakufumila na Kunjila (One-Stop-Border Posts)

Boma la DPP ilo likanozga malo ghanthuera agha gha Mchinji-Mwami, Mwanza-Zobue na Dedza-Calomue One-Stop-Border Post, sonolanozgeka kuzakazenga malogha Songwe-Kasumulu, Muloza-Milanje na Chiponde-Mandimba One-Stop-Border Posts.



Kupwelera misewu yam'misumba

Boma la DPP ndakunweka kupwelera misewu yose yakuzirwa mu misumba ya Mzuzu, Lilongwe, Zomba na Blantyre. Ndise bakunozgeka kuzenga ma miseu na maulalo ghamchanya (flyovers) lumoza na miseu yakulukana-lukana (interchanges) kuti banthu balekenge kuchedwa pakwenda mu misumba yithu. Boma la DPP ndakunweka ndithu kuzenga malo ghaweme ghakulindizgilako na kukwelerako ma basi mu misumba yithu yinayi kweniso manisipalite ghithu ghabiri.

Miseu yamkaya

Boma la DPP ndakunweka kulima na kupwelera misewu ya m'vikaya kuti balimi na banthu bose baleke kusuzgika kuyegha katundu wawo kuluta nayo ku misika yakwenelera.

Nchito za Positi

Boma la DPP ndakunweka kunozgaso nchito za mapositi na kayeghero ka katundu pakuchiska chivikiliro na kapwelelero ka katundu uyu. Tizamumalizgaso ndondomeko yakumanyiska banthu umo bangasangilana kwambula suzgo (postal addressing system).





4.2.3

MAGESI NA MAFUTA

DPP yikumanya makora kuti nchito za mafakirate na chitukuko zikwenda makora para magesi ngakugomezgeka mcharo.

Tikumanya kuti 86% ya banthu mcharo chino bakugomezga nkhuni na makala. 10% pera ya banthu ndiyo yikugwiriska nchito mafuta nga paraffin na vinyakhe. Awo bakugwiriska nchito magesi ni 3% pera. Awo bakugwiriska malasha ni 1% pera.

Nkhongono izo charo cha Malawi chikugwiriska nchito ku magalimoto na mendero ghanyakhe ni mafuta iyo ni 45% ya ndalamu izo boma likugwiriska nchito pakuchemeska kufuma kuwaro. Kweniso vinthu nga Liquified Petroleum Gas (LPG) vikugwiriskika nchito pa mlingo wa ma barrel 0.08 padazi. Malawi wali kumanyuma chomene pakugwiriska nchito Gas uyu chifukwa pacharo chose uko banyithu bakugwiriska nchito kwa ma barrel 57.49 padazi.

Kufuma mchaka cha 2021, palije chiweme icho Malawi wachitapo pakuchemeska vinthu nga mafuta na gas. Mmalo mwakhe boma la MCP lasakazanga waka ndalamu za boma kwizira mu unkhungu na vimbunde.

Kuno kwithu kagwiriskiro nchito za magesi nkhakuchepa chomene. Mchaka cha 2024, tikaba pa 25.9%, iyo 11% ya kagwiriskiro akayikugomezga ESCOM ndipo 14.6% yikugomezga magesi gha zuba (solar). Mwa ufupi tikuti charo cha Malawi chikugomezga mronga wa Shire wekha kuti chipereka magesi ku banthu. Uku ndiko kukuphikika magesi pambere bandagabe kumaboma ghanyakhe.

Awo banthu bakupokera magesi pachaka balipo waka 20% ndipo tikuwona ma pempho 45,000 gha magesi ghapya m'malo mwa ma pempho 205, 000 pachaka.

DPP yizamuchita ivi:

- Kukhazikiska nthowa zakovwira kuti banthu bagwiriskenge nchito nkhongono izo n'zakugomezgeka . Boma lithu lizamuwoneneska kuti magesi ngakukwana, kweniso kuti banthu bakugwiriska nchito gas na ma stove agho ngakovwira kuvikilira chilengiwa.
- Kuchiska kagwiriskiro nchito nga mafuta gha ethanol na dizilo ivyo n'vyakusangika kwambula kusuzga kweniso kuti chilengiwa chileke kwanangika.
- Kukhazikiska nthowa zipya za kagwiriskiro nchito ka vinthu nga gas mu ma tawuni na vyombo vyakuzomerezgeka.
- Boma la DPP lizamuchiska wene na wene pakendeskero gha nchito yakupereka nkhongono nga magesi na vinyakhe pakati pakhe na makampani (Independent Power Producers -IPPs).
- Kukhazikiska ndondomeko yakuti nchito za nkhongono nga magesi zigwirikenye pazekha mu vigaba vinayi (Kumpoto, Pakati, Kuvuma na Kumwera) kwambula kulindizga vyose kufuma ku likulu. Ndise bakunweka kuzakapereka magesi ku makastomala ghapya 1,000,000 muvyaka vinkonde.
- Kusazgirako nkhongono za magesi 1,500MW pakuchita nchito izi :
- Pulojekiyi ya 300MW Kammwamba Coal-fired Power Plant (kumazga fundo yakugomezga waka maji pakupopa magesi);
- Pulojekiti ya 309MW Mpatamanga Hydropower Plant (kujimirako dam nakuchiska fundo yakupumuzga mronga wa Shire);
- Pulojekiti ya 261MW Fufu Hydropower Plant (kupumuzga mronga wa Shire mu mlomo wakhe wakupereka magesi kuchigaba chakumwera; na
- Pulojekiti ya 190MW hydro power plant kufuma ku Songwe;
- Kuchiska makapani na banthu kuti bambe mlimo wakuphika magesi 100MW kufuma ku Mzimba na Chitipa kwendera ku mphepo; 41MW kufuma ku Bongozi Hydropower ; 100MW kufuma ku gas, na 200MW kufuma ku nkhongono ya zuwa ku



- Nkhatabay, Rumphi, Karonga, Salima, Dedza, na Mangochi.
- Kuchemeska 120MW kwizira mu chipulikano pakati pa charo chithu na Mozambique na Zambia, nakuguliskapo nkhongono za magesi izo zakhalapo.
 - Kukhozga milimo ya EGENCO pa makina ghakhe gha 441MW , nakwambiska nchito zipsa za magesi ku Wovwe, Nyika, Mbongozi, Thyolo, Dwambazi, Chasombo na Chizuma.
 - Kuchiska phangano lakupokako magesi ku Tanzania kwendera mu chipulikano chapakati pavyaro vithu.
 - Kuchiska phangano lakupokako magesi ku Nacala kwiza ku Phombeya nakuguliskako kumpoto kwa Mozambique nkhongono izo zakhalapo.
 - Kumazga nkharo yakuchdweska vinthu ku ESCOM nakwambiskako kampani ya Power Market Limited na chakulata chakovwira kuti vinthu vyendenge lubiro pala banthu bakukhumba magesi.
 - Kukuzga nchito za magesi na 132 KVA ku malo agha : Eastern Backbone, Western Backbone, Golomoti - Monkey Bay, Nkhotakota - Serengeti - Chinyama - Kanyika , Lilongwe Loop, Mzimba - Dwangwa line, Phombeya - Liwonde, Kanyika - Chatoloma , Nkula - Blantyre West - Phalombe - Zomba .
 - Kuchiska nchito yakupereka magesi mu vikaya ya Malawi Rural Electrification Program (MAREP) kuti bnthu banandi basange mwabi wa magesi. Boma lizamukhazikiska fundo yakuti banthu balipilenge pachoko kuti bagwiriskenge nchito magesi nyengo yose.
 - Kusambizga bawukirano bithu mu ma Community Colleges nakunyakhe kuti basange ma luso ghakovwira kuchiska nchito za magesi. Ndise bakunozgeka kuwonekseka kuti basungwana nawo bakupiwa mwabi kusambilila luso lanthuera ili.

4.2.4 NTHOWA ZIPYA NA VINJERU VYAKUCHITA KUPANGA (AI)

Bma la DPP ndakunweka kuchiska fundo ya kendeskero ka vinthu na katumiro ka mauthenga mu nthowa zipya na vinjeru yakuychita kupanga (Artificial Intelligence). Ivi vikovwira kuti chitukuko chilute m'nthazi mwakukoleranako na umo vyaro vyose vikwendera pano pasi. Boma la DPP ndakunozgeka kukwezga charo cha Malawi kuwa chimoza mwa vyaro khumi pa unkhwantha wa milimo iyi mu Africa.

Mchaka cha 2030, Boma la DPP lizamuchita ivi:

- Kuchiska nchito za intaneti kuti 80% ya banthu yisangenge mwawi; na kukhazikiska malo ghakujumpha 2,500 gha Wi-Fi mu misika, sukulu, vipatala na malo ghakukwelera basi kuti banthu basangenge mwawi wa intaneti.
- Kukhazikiska malo ghapadera gha National Cloud Data Center ghakugumanizga milimo ya kuchiska nthowa na vinjeru vyakuchita kupanga (AI) kuti chitukuko chendenge mwalubiro. .
- Kwambiska nchito zakovwira kuti misumba yithu yibe na vyombo vyakwenelera pa katumilo ka mauthenga kweniso nakuchiska chivikiliro. Mlimo uwu tizamwamba kuwugwira mu misumba ya Lilongwe, Blantyre, and Mzuzu nga nthowa yimoza yakuhazikiska ndondomeko ya “Msumba wa Vinjeru” (Smart City initiative).
- Tizamwambiska nchito zakujumpha 150,000 m'chigaba za katumilo ka mauthenga mwa nthowa zipya kuti zovwire kukuzga ma bizinesi.
- Tizamukhazikiska sukulu yapachanya (Cybersecurity Academy) nakuchiska ubale na wene na wene pakati pa charo cha Malawi na mawupu nga: African Institute for Mathematical Sciences (AIMS), IBM, na Google kuti batovwire kusambozga banthu vyva luso lapachanya.
- Tizamwambiska viphaso vyva pamakina gha intanet (digital ID) vyakovwira banthu kusanga vinthu vyakwenelera nga



- kuchipatala, ku sukulu, na kunyakhe.
- Tizamuchiska fundo yakuti 70% ya nchito za boma yigwirikenge kwizira mu luso lipya na vinjeru vyakuchita kupanga (AI).
- Kuchiska fundo yapadera ya National Artificial Intelligence and Digital Innovation yakovwira kukhozga milimo ya AI mwakukoleranako na fundo na mawpu gha African Union na UNESCO.
- Kubanekaso makora milimo yakutumilana na kutumizga makopala pa intaneti nga nthowa yimoza yakovwira kuti nchito na malonda na chuma zendenge mwalubiro.
- Kwambiska na kuchiska milimo ya AI mu nchito za ulimi pakovwira balimi kuti basangenge vinjeru vyakwenelera kukuza ulimi wawo.
- Kukhozga vipatala na luso lipya la AI kuti balwale na madokotala badumbiskenenge kwizira mu luso ili.
- Kwambiska ndondomeko yakuti banthu bapiwenge mwawi kuwona vyombo vyakwendeskera charo kwizira pa intaneti nakubapa mwabi kuphala maghanoghano ghawo.
- Kwambiska na kukuza milimo yaluso yapachanya mu sukulu za sekondale; na luso la vinjeru vyakuchita kupanga mu sukulu za sekondale na univesite kuti masambiro ghalute mnthazi.

4.3 CHITUKUKO CHA MATAWUNI

Charo cha Malawi nchimoza mwa vyaro ivyo vikukwera sono ndipo kwa ise 20% ya unandi wa banthu bamcharo chino bakukhala ku tawunbi na misumba ya Blantyre, Lilongwe, Mzuzu na Zomba. Pali chigomezgo kuti pa umaliro wa chaka cha 2025, unandi wa banthu bakukhala mutawuni usazgikirengeko na 5%.

DPP yikumanya kuti banthu bakulondezga uko kuli chitukuko. Anthuera kumazga kuyandana ku matauni, Boma la DPP ndakunozgeka kukwezga vikaya kuti nakoso kusangikenge vinthu ivyo banthu bakolondezga kutawuni. Ndise bakunweka

kukwezga vikaya pakupereka milimo na vyombo vyapachanya pa nchito nga zakuchema balendo. Chigomezgo tili nacho kuti milimo iyi njakwenelera.

Boma la DPP lizamuchita ivi:

- Kulutizga nchito yakukuzga vikaya vya Nambuma, Chitekesa, Ntharire kuti vyovwirenge banthu mwakwenelera. Kufuma apo tizamwamba milimo yantuera iyi kuvikaya vinyakhe.
- Tizamuoneseska kuti malo ghakuzirwa ghakuchitilako malonda mchigaba chilichose ghapiwe vinthu vyakwenelera nga sukulu ya pulaimale, sukulu ya sekondale, msika, chipatala, polisi, naji, magesi na misewu yiweme.
- Tizamukhazikiska ma fakitare gham'vikaya kuti banthu basangenge nchito kweneukoko kweniso kupanga katundu wakutuma kuvyaro vyakuwaro.
- Tizamulutilizga kusambizga banthu, chomene baukirano, luso lakupambanapambana kwizira ku ma Community Colleges.
- Tizamuchiska fundo yakovwira ma khaunselu kuti ghabenge ghakujinthemba mu kagwiliro ka nchito zavo pakuzomerezga ma bizinesi na kugwiriska makora nchito malo.
- Kuwoneseska kuti nchito za ma Dipatimenti na Makampani gha Boma mu misumba yakhe yose ya Mzuzu, Lilongwe, Blantyre na Zomba.
- Kukuzga tawuni ya Mangochi kuti uzgoke msumba; na Cape Maclear kuti ghabe malo ghapachanya ghakuchema balendo.
- Kubanekaso marango ghakwendeskera Nchito za Maboma Ghachoko ya (Local Government Act of 1998).
- Kuchiska kanozgero na kendeskero kaweme ka kuzenga nyumba na misewu ku matauni.







4.3.1 KUCHEMA BALENDO

Charo cha Malawi chikudokeleka na kumanyikwa makora kuti ni Mtima Wakufunda wa Africa (the Warm Heart of Africa) chifukwa cha mtende na kumwemwetera ivyo bina-Malawi bali navyo. Charo cha Malawi chiliso na malo ghanandi ghakutowa agho banandi bakughadokera kweniso kughatemwa. Kuno ku Malawi kuli: (i) Nyanja za maji ghaweme kusazgirapo Nyanja yikulu ya Malawi. (ii) Vinyama vyakyuthondo na kutowa kwa mathondo ghakusungilako vinyama ivi. (iii) Midauko na ukhaliro wa bina Malawi. (iv) Malo ghakuchitilako maungano ghakuzirwa (MICE: Meeting, Incentive travel, Conferences and Events).

Nchito zakuchema balendo zikuwelera nyuma chifukwa cha visuzgo vinandi nangauli nchito iyi njakuzirwa chomene chifukwa yikovwira kukwezga chuma chithu na 7%. Wupu wa National Planning Commission waphala kuti vinyakhe mwa visuzgo ivyo vikuwezgera nyuma nchito zakuchema balendo ni: misewu yihene, nyumba zambula kwenelera, kuchepa kweniso kudula kwa malo ghakugona balendo, intenert yambula kugomezgeka, uchoko wa banthu na makampani awo bali na khumbiro lakwambiska nchito zakuchema balendo, kweniso ujila pa kaphalazgiro panji kaguliskiro ka nchito zakuchema balendo.

Boma la DPP ndakunozgeka kuchiska kawiro kaweme pa mendero (kunozga misewu yakuluta ku malo ghakuchema balendo), kuchiska vyakuti malo ghakugona ghawe ghapachanya, kuchiska kaphalazgilo kakwenelera ka ivyo charo cha Malawi chili navyo. Chakulata chithu nchakukwezga charo cha Malawi kuti chiwe charo chakutemweka na banthu mu Africa pa makani ghakuchema balendo. Ivi vizamovwira kukwezga chuma cha charo chino pakwiziska ndalamu zakuwaro.

Boma la DPP lizamuchita ivi:

- Kuzgola Malawi kuwa malo ghakutemweka pa nchito zakuchema balendo mu Africa na charo chose chapasi. Tizamuchiska mlimo wakuguliska charo chithu wa ‘Mumanyeni Malawi’
- Tizamuchiska bene-charo kuti nawo bendelenge malo ghakutowa kuno kwithu pakukhizga mitengo yavinthu vyamu malo ghakuchema balendo.
- Tizamwambiska nchito ziweme kweniso zinandi mu milimo yakuchema balendo.
- Kuchiska banthu na makapani kwambiska nchito zakuchema balendo kwa benecharo na balendo uwo kwizira mu Smart Taxation kweniso Public -Private Partnerships (PPPs). Tizamuchiska malonda gha vyakubaja vithu. Tizamulawiskaposo makora panchito yakupereka ma visa; nga nthowa yimoza yakovwira kukwezga nchito zakuchema balendo.
- Kuzomerezga kuti nchito zakuchema balendo zigwirikenge na banthu m’vikaya na kwambiska nchito zakovwira milimo iyi.
- Kukwezga nchito zakuchema balendo ku Nkhatabay, ku Chilwa cha Likoma, ku Salima na ku Mangochi mwakukoleranako na ndondomeko zamu Malawi National Tourism Investment Masterplan.
- Kwambiska fundo zapadera zakovwira kukwezga nchito za balendo ku Nankumba Peninsula kweniso ku Cape Maclear.
- Kutozgaso makora malo ghakusungirako vinyama vyakuthondo gha Nyika, Vwaza, Kasungu, Lengwe na Mwabvi kweniso kukhozgaso nchito zaku Majete, Liwonde na Nkhotakota.
- Kuchiska ndondomeko ya kukachezga nakudewela mapiri (Mountain Tourism).
- Tizamonzogaso vithu ivi:
- Kuphaka phula misewu yakuluta ku malo ghakutowa gha Nyika,

- Kunozgaso vyombo vyapa Chileka na Kamuzu International Airport, kuzenga chibanja chipya cha Mzuzu, kunozgaso makora vyombo vyapa vibanja via Karonga, Mangochi, na Salima.
- Kwambiska ma boti ghapyा kweniso ghakwenda lubiro pa Nyanja ya Malawi
- Kupereka magesi ghakukwana kumalo ghakuchezgera balendo.
- Kukhozga nchito za Malawi Tourism Authority.
- Kuchiska nchito yakuzenga panji kuwumba sitima na maboti ghaweme ghachi-Malawi.

4.3.2 KWAMBISKA MATAUNI GHAPYÀ (SECONDARY CITIES)

Chipani cha DPP chikumanya kuti misumba panji matawuni ghapyा ngakuzirwa pa milimo yakutebetera banthu chifukwa ivi vingovwira kuchiska fundo za nkhongono ku banthu. Pakati pa vilimika vya 2014 mpaka 2019, ise tikamba kale mlimo wakukuzga vikaya ivi kuti vizgoke matauni ghachoko-ghachoko: Nambuma ku Dowa, Nthalire ku Chitipa, Chitekesa ku Phalombe, Chapananga ku Chikwawa, Mkanda ku Mchinji, na Neno m’boma la Neno. Kweniso tikagwiraso mlimo wakuzenga msika upya ku Nsanje, kwa Chinakanaka kweniso ku Mulanje Mission. Tikazengaso stadium ku Karonga, ku Rumphi, ku Kasungu, ku Mangochi, ku Ntcheu naku Zomba.

M’vyaka vyapakati pa 2025 mpaka 2030, chakulata chithu nkhwambiska matawuni ghapyा mvikaya kuti ghovwire banthu kusanga vinthu vyakwenelera ivyo vikusangika mu misumba yikulu yikulu yamcharo chino.

Tikukhumba kuti matawuni agha ghabe na vinthu vyakuzirwa nga nyumba ziweme, vipatala, sukulu na misewu yiweme mwavinyakhe. Bomala DPP ndakunweka kuchita ivi na chakulata chakumazga mphambano mu kakhaliro pakati pa banthu mu misumba na matawuni kweniso na banthu bakukaya.



4.3.3 MALO, NYUMBA NA MAJI GHAWEME

Boma la DPP likumanya uweme wa malo, nyumba na maji ghaweme pa umoyo wa banthu. Ivi vikovwira kuti banthu bakhalenge mwakufwasa nakugwira nchito zawo mwakujiperekwa. Kweni n'vyachitima kuti bina-Malawi banandi balije mwabi wa vinthu nga ndi ivi.

4.3.3.1 MALO

Malo ngakusuzga ndiposo ngakusoba pakati pa banthu malinga na kuyandana kwa banthu mu vikaya na matawuni. Nanga vili nthuera, ise tikumanya kuti malo nchinhu chakuzirwa chomene pa nchito za chitukuko. Kumwera kwa Africa, nakoso kuli suzgo lakusoba kwa malo chifukwa cha suzgo lakuyandana kwa banthu. Pali chiyerezgero kuti pa mtunda uliwose (square kilometer) pakusangika banthu 139. Malo ngakuzirwa chifukwa ghakuchiska ulimi, kupereka nchito na kovwira kupanga katundu wakutuma kuwaro kwa charo kuti tisangenge ndalamu zakugwilira nchito za chitukuko. Tikumanya kuti 40% ya nchito izo zikugwilika pa malo zikovwira pakukwezga charo chithu.

Charo cha Malawi chikusangana na visuzgo vinandi vyakuhwaskana na malo. Vinyakhe mwa visuzgo ivi ni kusoweka kwa ndondomeko ziweme zakuphala kasungilo ka malo, kasungilo kaweme ka vikalata vya malo, kweniso vimphindikwa na kuyambana chifukwa cha malo.

Kweniso 60% ya malo ghali pasi pa mafumu ghithu ndipo kuti kanandi pakubavya vikalata kwanelelera. Suzgo linyakhe ndakunjilira ku malo gha boma panji ghabene nakwamba kulimako panji kuzengako nyumba.

Mu vyaka vinkonde ivyo vikwiza, DPP yizamuchita ivi:

- Tizamwambiska ndondomeko zakovwira bene-charo, chomene bamama, kusungilira makora malo ghawo.
- Kusunga makora vikalata vya malo pa kompyuta pakovwira

kumazga vimbundi na viwawa.

- Kunozgaso makora misonkho ya malo nakuchiska banthu kuti baleke kusunga waka malo ghawo kwambula kugwiriska nchito.
- Kunozga makora mapu gha malo nakuphala nchito yiliyose yakwenelera kugwirika pa malo agho munthu wapiwa; kwali ni ulimi, bizinesi panji fikitare.
- Kuchiska nchito yakupanda makuni nakupwelera viengiwa kuti malo na nyata visungike makora.
- Kunozgaso makora kawiro ka malo mu vikaya na matawuni uwo (rural and urban land planning) kuti baleke kunjilirana pakukhala.
- Tizamukhazikiska mphara zapadera zakweruzga makani gha malo (special land courts).
- Kubanekaso makora marango ghakuru ghawona vya malo.

4.3.3.2 NYUMBA ZIWEME

Bantu banandi bakukhala mu nyumba zambula kwenelera. Bantu 82 mwa banthu 100 baliwose bali mu visuzgo vyakusoba nyumba ziweme mu vikaya na matawuni uwo. Tikumanya kuti banthu 76 mwa banthu 100 baliwose mu msumba wa Lilongwe bakukhala mu nyumba zakupereka chitima. Pakati pawo palijeso vinthu vyakwenelera nga maji ghweme na vinyakhe.

Mchaka cha 2014 tikapangana vyakumazga suzgo ili ndipo ndicho chifukwa tikambiska ndondoko yakovwira banthu kuzenga nyumba ziweme ya Malata and Cement Subsidy programme. Ndomdoeko iyi yikakumana na visuzgo vinandi chomene chifukwa ba vipani vyakususka boma bakayikhumba chara. Kweni ndipo uli ise nga DPP tikagwira nchito iyo ndipo tikazenga nyumba 22,000 izo zikavwira vyokolo, bana balanda na bacheckulu.



Kufuma mchaka cha 2025 mpaka 2030, boma la DPP lizamuchita ivi:

- Kulutizga nchito ya Malata and Cement Subsidy Programme.
- Kuzenga nyumba ziweme za wupu wa Malawi Housing kuti banthu bakhalengemo na kugula pala bazikhumba. Ivi vizamovwira banthu kuti banthu banandi basange mwawi wanyumba.
- Kuzenga nyumba za kuti banthu bakugwira nchito m'boma kweniso basilikali bakhalengemo mwakufwasa ndipo bizamulipilanga rent yambula kujumpha pa 20% ya malipiro ghawo ghapa mwezi pala bagula nyumba iyo.
- Kovwira banthu bakusanga pachoko kuti nawo basange mwawi wa malo.
- Kunjizga mu kompyuta vyose vyakuphala nchito na kendeskeri ka vyamalo.
- Kuchiska unkhwantha pa kazengeri ka nyumba mu vikaya na misumba uwo.
- Kukhazikiska malo ghapadera ghakusungilira vya malo gha National Spatial Data Centre.
- Kuchiska umoza pakati pa banthu na makampani kuzenga nyumba zakovwira kukwezga vikaya na matawuni.
- Kuchiska banthu kuti bawenge na phamphu panji khumbiro lakuzenga nyumba zawo kuluska kutandala mu nuyumba za renti.
- Kwambiska thumba lapadera la National Housing Fund lakovwira banthu kugula nyumba pa mtengo uchoko.
- Kuchiska mlimo wakuzenga nyumba zakwenelera mu makomboni nakupereka vinthu vyakwenelera nga maji, mieswu yiweme na vinyakhe.
- Kuchiska uzengero uweme wakovwira kuvikilira na kupwelera vilengiwa.

4.3.3.3 NCHITO ZA MAJI

Charo cha Malawi chili na visuzgo vyakusobeka kwa maji ghaweme pakati pa banthu bakhe. Enya, nangauli banthu 80 mwa banthu 100 baliwose bakumwa maji ghaweme kweni kuyandana uko kukuchitika kukaya na matawuni kukupereka chofyo pa fundo iyi. Kusoweka uchanda kukwiziska matenda ghakujula pamoyo. Vinthu nga kusakazika kwa vilengiwa na thondo nako kukuchitiska kuti maji ghaleke kusangika mwakwenelera.

Kufuma mchaka cha 2005 mpaka 2030, boma la DPP lizamuchita ivi:

- Kwambiska nchito zikulu zikulu zakovwira kuti banthu kuti basangenge maji, zinyakhe mwa izo ni kujima ma dam, kujima madirawu na kwiziska mipopi.
- Kunozgaso vyombo vyakwanagika kuti banthu bamwenge maji ghaweme.
- Kulabisiska kuti banthu bakulipira mtengo uweme pala bamwa maji.
- Kuvikilira mbwiwi panji kawiluwilu uko maji ghakufuma.
- Kuchiska nchito zakutondana na kusintha kwa nyengo.
- Kwambiska ndondomeko zikomi pakupwelera maji.

4.4 NKHONGONO KU BANTHU

Boma la DPP ndakunweka kuchiska fundo yakupereka nkhongongo ku banthu chifukwa mwanthuera chitukuko chikwenda makora. Ndise bakunozgeka kuzakasamiska kagwiliro ka nchito kufuma ku likulu na kupereka ku maboma ghachoko. Kutitifiskemakora mlimo uwu, isetizamuchita ivi: kumazga suzgo lakusoba kwa ndalamu zakwendeskera chitukuko; Kuchiska unkhwantha ku ofesi ya DC paboma; kukhozga uchitiro uweme pakendeskero ka nchito, kuchiska urunji mu kagwiliro ka nchito, kuchiska malango ghakwenelera

mu kendeskeri kanchito, kuchiska chitukuko pakati pa banthu.

Anthuera, boma la DPP lizamwambiska na kukhazikiska fundo zakwenelera zakovwira kukhozga uchitiro uweme nga umo tayowoyeria mchanya umo. Ivi vizamupereka nkhongono ku banthu pa kagwiliro kanchito zachitukuko m'vikaya na matawuni uwo.

Boma la DPP lizamuchita ivi:

- Kupereka ndalama zinandi padera pa K5 billion pachaka ku constituency yiliyose;
- Kumazga uchitiro wa ndyale pa kendeskeri ka Constituency Development Fund (CDF).
- Kunozga dango lakwenelera lakovwira kuvikilira thumba la CDF.
- Kulabiskaposo kuti thumba la CDF liovirengeso kuzenga vitukuko nga sukulu za nazale, sukulu za sekondale na primary, vipatala vichokovichoko, kulima misewu, sukulu zakusambizga vyaluso, na vinyakhe.
- Kusambizga banthu unkhwantha mu kendeskeri ka vinthu mu vigaba vyawo.
- Kuchiska fundo yakuti ma ofesi gha DC ghabenge na mwawi kweniso mazaza pakujipangila ndalama kwizira mu ma tikiti na misonkho.
- Kuchiska urunji na kapulikiskiro kaweme pa kendeskeri ka nchito za chitukuko m'vigaba ivyo banthu bakukhala.
- Kujintha ndondomeko zinono kweniso zakovwira kupenda na kusungilira chuma chakugwilira nchito za chitukuko.
- Kuchiska umoza na wene na wene mu kagwiliro ka nchito za chitukuko kwambula kusalana panji kugega malwande ghanyakhe agho ngakusoerwa mu kawiro kawo.
- Kuchiska vidumbirano na kugabana vinjeru na unkhwantha pakugwira nchito za chitukuko.
- Kunozgaso makora nchito izo zilipo mwakukoleranako na fundo zipya za kutumizga na kupokera mauthenga nga

vinjeru vyakuchita kupanga (AI).

- Kukhazikiska mnthavi wapadera wakovwira kuwona ma plan ghakazengero na kendeskeri ka nchito za chitukuko wa Infrastructure Services Unit and Performance Improvement Support Unit ku unduna wa Maboma Ghachoko.
- Kunozgaso makora nchito za ma makhauselu kuti nchito zakusakata chuma zendenge makora.
- Kuzenga misika yikulu kweniso yapachanya (high rise mega markets) mu misumba ya Blantyre, Lilongwe na Mzuzu na chakulata chakuchiska uchanda.
- Kukhazikiska minthavi yakovwira kuchiska chivikiliro na milimo yinyakhe mu misumba na matawuni.
- Kuchiska kawiro kakugwilira nchito zose pakweru chifukwa ivi vikovwira kukhozga chigomezgo cha ma DC na banyawo awo bakugwira bawo bakugwira nawo nchito.
- Kwambiska menderoghakugomezgeka mkati mwamisumba (city transport system) nakupereka mwawi ku kampani yakuzomerezgeka na boma kuti yendeskenge ma basi kuyegha banthu na katundu. Kampani iyo yizamugwiriska nchito nthowa zipya za kompyuta pakupoka ndalama ku banthu awo bakwera basi izo (Automated Fare Collection-AFC na Advanced Public Transport and Management System-APTMS).
- Kuchiska unkhwatha pakati pa banthu bakugwira nchito ku makhaunselu na kubalemba panji kubakwezga mwakulondezga ndondomeko zanadi.
- Kulutizga kuzenga ma ofesi ghapya ma ma DC.
- Kusambizga ma makauselala kuti bamanyenge kulondezga makora umo ma khaunsselu ghakugwilira nchito zawo.
- Kugula vilwero vyakovwira kumakhauselu nga ma talakita, giledala na vinyakhe.
- Kulabisiska kuti ndalama izo ma khaunselu ghakupiwa na boma, lwande likulu libenge lakovwira kwambiska nchito zakukwezga ukhaliro wa banthu/chitukuko kuluska kugwiriska waka nchito zambula kwenelera.

An aerial photograph of a city, likely Dar es Salaam, showing a mix of dense green trees and urban infrastructure. A prominent multi-lane road with a circular intersection is visible in the foreground. In the background, there are several large buildings, including what appears to be the Parliament of Tanzania. The sky is clear and blue.

5

FUNDO ZAKWENELEZGA



DPP yikumanya makora kuti jando la chitukuko likweghamira pa ndondomeko ya M6W63.

5.1 KUSINTHA KAGHANGHANIRO

Fundo yakwamba yakwenelezga ndondomeko za chitukuko mu MW2063 ndiyo yakuchiska vyakusintha kaghanaghaniro. Tikwenera kumanya kuti chitukuko chingenda makora pala tabantu tingasinha maghanaghaniro ghithu nakujipereka kuyata fundo zipya izo zingamanya kutukula kakhaliro kithu.

Maghanoghano ghaliliko kuchita kawiro kakujigomezga pa nchito, phamphu na mtima wambula daka.

Mwachiyerezgero, charo cha Malawi chili na kaghaghaniro kakuti chuma nipala munthu wali na bana, chakurya na nkharo yiweme. Ivi tikuvipulika kwizira mu zintharika zitatu izi za m'chichewa: "kulemera ndi kudya" (usambazi nkhurya), "khalidwe ndi chuma" (nkharo ndiyo chuma) and "ana ndi chuma" (bana ndiwo chuma). Kwa bina-Malawi banandi, maghanoghano ghawo ngakuti ndalamu panji makopala nchithu chapatali chomene kuchisangika panji kuwa nacho.

DPP yikuzomerezga kuti nchiweme kurya makora kweniso kulera bana. Kweni DPP yikugomezgaso kuti chingaba makora kuti tabantu tisinthe maghanomaghaniro kuti vinthu vyendenge mwakukoleranako na madazi ghano. Nchakuzirwa kusambizga banthu kuti bamanye uweme wakujithemba na kaghaghaniro kaweme.

Kusintha maghanaghaniro kungavwira kumazga umoyo wakugomezga banji mu ukhaliro. Kwasono tikuwona banthu banandi bakugomezga banyawo kuti basange wovwiri (/ Banalume/Ma biggie). Kanandi tawonaso kuti vyokolo vikusuzgika chifukwa chakugomezga banthu banyakhe kuti

pakusanga wovwiri. Kweniso tikutondeka kurya makora chifukwa tikughanaghana waka kuti chakurya ni ngoma pera (sima yekha ndiyo chakurya).

Chachitima chinyakhe nchakuti kusankhana mitundu kwanjila chomene mkatyi mwithu ndipo ivi vikuvezgera nyuma nchito za chitukuko. Banthu banandi bakunjila nchito chifukwa chakutemweleka na bwana uyo ngwakufuma kwawo. Bima-Malawi bazgobera kuchita vinthu kwambula kughanaghanira banyawo; tikupulika ivi kwizira mu ntharika yakuti aliyense kuchita zomusangalatsa (aliyose wachitenge waka ivyo akhumba).

Nchakuzirwa kusambizga banthu vya ujila wakubabana chomene. Pala tayandana chomene, tikhumbenge ma sukulu buloku ghapy 22 padazi chifukwa kwasono Malawi wakubaba bana 1,400 padazi. Boma la DPP ndakunweka kuchiska visambizgo vyakuti banthu baleke kuyandana chomene.

Ntharika yakuti "mwamuna salira: mwanalume wakutengera chara" yavezgera nyuma kakhaliro kithu chifukwa banalume banandi bakulimazikila mkatikati. Iwo bakupwetekesa uku bakwenda. Vyalongola kuti nyifwa zinandi zakujimanga muno mu Malawi ni nyifwa za banalume.

Tapulika kuti 80% ya nyifwa zakujikoma n'za banalume; mwachiyerezgero; mwa nyifwa 153 zakujikaka pakati pa January na March 2025, 125 mwa nyifwa izi mbanalume. Chifukwa chakuti pali ntharika yakuti banalume bangaliranga chara, vyasangika kuti banalume banandi bakutondeka kuphala icho chikubasuzga kumtima ndipo mmalo mwakhe bakujikoma waka.

Nchakuzirwa kusintha kaghanaghaniro pala tikupanga



nchito za chitukuko. Chipani cha DPP chikuwona kuti nchiweme kuti banthu bajiperekenge pa fundo yakupanga ndalamna na chuma kuluska kughanaghanira waka vyakuchepeskako ukavu.

Chipani cha DPP chili na fundo zakukholweska pakufiska mlimo uwu chifukwa chipani ichi chiliso na ulongozgi wa vinjeru. DPP yili na ulongozgi wa mahara; ulongozgi wakutebetela banthu. Mlongozgi wa DPP ni nkhantha pa chitukuko. Prof Arthur Peter Mutharika (APM) ni mlongozgi wakumanyikwa makora .

Boma la DPP lizamuchita ivi kufuma September 2025 mpaka 2030:

- Kuchiska ulongozgi wakujipereka mu kendeskero ka vinthu; kutondana na uchitiro wa ndyale.
- Kuchiska nchito za malonda kuluska kugomezga kupiwa waka wovwiri na vyaro panji mawupu.
- Tizamusambizganga banthu ujila wakubabana chomene.
- Kuchiska kujipereka na kutemwa charo chithu.
- Kuchiska umoyo wa uzimu na kujikola pakugwira nchito za chitukuko kweniso kutebetera banthu.
- Kusambizga vya uweme wakugwiriska makora nchito ndalamna pakukwezga charo.
- Kuchiska mtima wakujipereka pakugwira nchito.
- Kuchiska kaghanaghaniro kakusangwa na kujilumba pakutebeta milimo.
- Kuchiska ulimi wa mbuto zakupambanapambana padera pa ngoma.

5.2 MARANGO, ULONGOZGI NA KULIMBANA NA VIMBUNDE.

Marango ngakuzirwa chifukwa ndigho ghakukhozga wanangwa withu wa democracy. Malango ghakutikumbuska kuti palije uyo walil pachanya pa dango; tose tili pa mfolo umoza wakubeya nakulambilila dango. Ndondomeko ya MW2063 yikutisambizga kuti charo cha Malawi chingatukuka usange banthu bakulondezga na kusunga dango.

Kusobeka urunji na kunjilirapo kwa a Boma pa nchito za makhoti, kutemwera pakukaka banthu, kuchepa kwa ndarama zakwendeskera nchito za makhoti, kweniso kujanda nakutindibizgira pasi milimo ya mawupu agho ghakwenela kugwira nchito za urunji, ni vinyake mwa visuzgo ivyo vyatondeska nchito yakutimbana na nkharo ya vimbunde mu vyaka vinayi ivyo vyajumpha.

Mphara ya Marango na mawupu ghanyakhe nga Anti-Corruption Bureau, Ombudsman, na Malawi Human Rights Commission batondeka kmugwira makora nchito zaho chifukwa chakuti boma lanjilirangapo chomene pa nchito zaho.

Weruzgi wa ofesi ya Ombudsman waba ukutondeka kufiskika chifukwa chakuti lwande la Boma lanjilirapo chomene pa nchito za ofesi iyi. Boma latondekaso kutimbana na vimbunde chifukwa chakuti palije khumbiro lenecho lakowwira kuchiska mlimo uwu.

5.2. Minthavi ya Boma na nchito zakhe.

Chipani cha DPP chikumanya kuti minthavi ya boma chomene iyo yikugwira nchito za marango njakuzirwa chomene pa chitukuko cha charo chithu mu malwande ghakulimbana na vimbunbde kweniso kukhozga urunji.

5.2.1 Ofesi ya Mnjirikizgi wa Boma pa Marango (The Attorney General)

Mnjirikizgi wa Marango (Attorney General) wali nchito yakuzirwa yakupataulira Boma ivyo marango ghakuphala pakwendeska nchito za Urunji.

Kweni vyachitima n'vyakuti kwasono boma la MCP likugwiriska nchito ofesi iyi nga chilwero chakofyera banthu pa vifukwa vya ndyale.



Boma la DPP ndakunozgeka kuchiska kuti ofes ya Attonery Gneral yiwgirenge nchito zakhe kwambula kutemwera. DPP njakunozgeka kugwira nchito na ofesi ya Attonrey General nga mnjirikizgi pa vya Marango kuluska kuti iyo wawoneke ngati chilwero cha chipani chakuwusa boma pakulimbana na banthu pandyale.

Usange nkhwakwenelera, DPP yizamusachizga dango lakupereka wanangwa wenecho ku ofesi ya Attorney General kuti yigwirenge nchito zakhe mwakufwasa.

5.2.2 Malawi Police

Nchito ya Polisi nkhuvikilira banthu na katundu wawo. DPP njakunozgeka kuwezgerapo nchindi za Polisi kweniso wanangwa wa Polisi kuti Polisi iyi yigwirenge nchito zakhe wa urunji. DPP njakunozgeka kuchiska mlimo wakuti Polisi yigwirenge nchito zakhe kwambula kulabisika mtundu panji chigaba cha uko munthu wakufumira.

5.2.3 Ofesi yakudangilira Boma pa Milandu (Directorate of Public Prosecutions)

Boma la DPP ndakunweka kuchiska kawiro kaweme ka ofesi ya Director of Public Prosecutions kuti yigwirenge nchito zakhe kwambula kuyaghayika nesi kutindibizgika. Boma la DPP ndakunweka kumazga nkharo yakutemwera mu kagwiliro ka nchito za ofesi ya Director of Public Prosecution. Boma la DPP njakunozgeka kuchiska umoza na kukoleranako pakati pa ofesi ya Director of Public Prosecution na malkwande ghanyakhe kuti urunji wende mnthazi.

5.2.4 Mnthavi wakulimbana na nkharo yakugwentheska ndalamala (Financial Intelligence Authority- FIA)

Boma la DPP likumanya kuzirwa kwa wupu wa FIA pa nchito yakulimbana na nkharo zambula kwenelera pa milimo ya ndalamala na chuma mcharo chino. Boma la DPP ndakunozgeka kukhozga nchito za mnthavi wa FIA pakupereka wovwiri wakwenelera kuti mnthavi uwu ugwirenge makora nchito zakhe. Mnthavi wa FIA, pamoza na mnthavi waku Khoti Likulu wa Financial Crimes Division bizamupiwa wovwiri wakwenelera kuti nchito zaho zengenge makora.

5.2.5 Wupu Malawi Human Rights Commission na Ofesi ya Ombudsman

Mawupu ghabiri agha ngakuzirwa chomene pakuchiska wanangwa wa banthu mcharo chino. Boma la DPP ndakunweka nkhanira kulabisiska kuti mawupu ghabiri agha ghakugwira nchito zaho mwakufwasa kweniso mwakulondezga dango likulu (Constitution). Kanandi mawupu agha ghakutondeka kugwira makora nchito zaho chifukwa chakunoleka ndalamala zakwendeskera ma ofesi ghawo.

5.2.6 Wupu wakulimbana ba Vimbunde (Anti-Corruption Bureau)

Boma la DPP njakunozgeka kumazga vimbunde ndipo lizamubavye nkharo yakulekelera vimbunde. Mchaka cha 2019, boma la DPP likajintha dango lakovwira kukhozga milimo ya ofesi ya Mlala wa wupu wa Anti Corruption Bureau kuti wagwirenge nchito zakhe mwakufwasa. DPP njakunweka na kulutizga kuchita nthuera.

Boma la DPP njakunozgeka kuzakachita ivi:

- Kujala miryango yose iyo yingadangizga nkharo ya vimbunde.



- Kuchiska uweme wakutolapo waka uto nthwako nakutuleka uto nthwabene; na kudenjerezga pala tazizwapo umo munthu wasangira katundu panji chuma chakhe.
- Kusambizga banthu vya uhene wa vimbunde.
- Kuchiska nkharo ya urunji na kopa twabene kufuma pa wana uchoko. Kusambizga basukulu mpaka ku Univesite vya uhene wa vimbunde.
- Kukhozga nchito za minthavi na mawupu nga: ACB, Financial Intelligence Authority (FIA), na Office of Director of Public Officers Declarations.
- Kusazgirako wovwiri na ndalama zakuwgilira nchito yakukulimbana na vimbunde pakusazgirako unandi wa nkhwantha zamu ofesi ya ACB ; kweniso nakuwoneseska kuti mlala wa ACB wakulembeka nchito mwa ndondomeko zakwenelera.
- Kusazgirako ndalama zakugwilira nchito kumawpu na minthavi yavya marango.
- Kuwoneseska kuti milimo yakupenjerezga panji kafukufuku yikwenda mwalubiro kuti makhoti ghendepo nakupereka weruzgi wawo. Mu vyaka vinkonde ivi vyajumpha, milandu ya vimbunde yakhala kwambula kuyeruzga.
- Kuchiska vyakuti awo bakiba kopala la boma bawezgenge ndalama izo.
- Kupereka wovwiri wakukwana ku ofesi ya mlala wakupenjerezga ubundi mu kapendero ka ndalama (Office of the Auditor General) kuti malipoti ghafumenge lubiro.
- Kugwiriska nchito makora ntcheto zakwendeskera wupu wakulabiska vya Beruzgi wa Judicial Service and Administration Act nakupereka wovwiri wakukwana kuti pala pali madando ghalighose ghamalenge mnyengo yakhe.
- Kuwezgeramo nchindi na kugonmezgeka mu nchito na maofesi gha Boma kuti nchito zose zendenge mwa urunji.
- Kuchiska ndondomeko zakwenelera zakovwira kukhozga marango na urunji pakati pa banthu.
- Kukhozga nchito za ofesi ya Auditor General kuti malipoti ghafumenge lubiro.
- Kukhozga nchito za ofesi ya Legal Aid Bureau iyo njakovwira

banthu awo mbakuso berwa kuti nawo bapiwe weruzgi wakwenelera pa milandu yawo. Ndise bakunweka kuzakakhazikiska ofesi ya mnthavi wa Legal Aid Bureau mu boma lirilose.

5.2.2 CHIVIKILIRO

Charo cha Malawi chili pa chofyo chikulu ku lwande la chivikiliro. Vinyakhe mwa visuzgo ivyo vikusangika na kuwenzgera nyuma chivikiliro chithu ni: kugwentheskana (human trafficking); chofyo chakusakazika kwa vilengiwa, nthenda zakupambanapambana kweniso nkharo za kwibirana na kukomana. Kusintha kwa kendeskero ka vinthu pacharo chapasi nakoso kwiziska chofyo pa chivikiliro cha charo chithu.

Kufumachakachamchakacha 2020, chivikiliro chili kunjira pasi apo banthu basangana na chofyo chakupambanapambana. Ivi vili nthuera chifukwa cha visuzgo vya chuma ivyo banthu bakusangana navyo. Kwiba na kuphyolerana nyumba ndiyo milandu yinandi pakati pa banthu. Milandu yakukolerela na kukomana ndiyoso yatola malo pakati pa banthu.

Nkharo yinyakheso iyo yanjizga pasi chivikiliro ni uchitiro wakweruzga bekha banthu pala bakola munthu waliyose uyo bakumughanaghanira kuti wabuda. Vinyakhe ivyo vyanjizga pasi chivikiliro ni kuchepa kwa bapolisi kuyerezgera na unandi wa banthu mcharo chino. Kuno ku Malawi, wapolisi yumoza wakovwira banthu 1,262; kweni wupu wa United Nations ukuphala kuti wapolisi yumoza wovwirenge banthu 500. Banthu banandi balemala aposo banandi bafwa chifukwa cha kuchepa kwa chivikiliro. Milandu yapa msewu nayo yasazgikirako na 20% m'charo chino.

Chipani cha Democratic Progressive chikumanya kuti visuzgo ivi vingamala usange pali kukoleranako pakati pa bapolisi na malwande ghose pa nchito yakukhozga chivikiliro.





Nchakulata cha DPP kuti mcharo chino mwize chivikiliro chakukhora kuti banthu bakhallenge mwakufwasa nakuti nchito za chitukuko zengenge makora.

Nchakuzirwa kukhozga chivikiliro kuti chitukuko cha Malawi 2063 chifiskike makora. Anthuera boma la DPP lizamupereka uchitiro wakwenelera ku minthavi ya chivikiliro ya Malawi Defence Force, Malawi Police Service, Prison Service, Immigration na National Intelligence Service. Boma la DPP ndakunweka kumazga uchitiro wa ndyale mcati mwa minthavi ya chivikiliro. Boma la DPP lajiperekwa kuzakachiska minthavi ya chivikiliro pakupereka vyombo na makopala ghakwenelera.

Mnthavi wa basilikali wa Malawi Defence Force (MDF)

Malawi Defence Force (MDF) ni mnthavi wakuzirwa wa chivikiliro cha charo chino uwo uli kukhazikiskika na chigaba 159 cha malango ghacharo (Constitution) na chakulata chakuvikilira mphaka za charo cha Malawi. Taonaso kuti kwasono MDF yikovviranaso na bapolisi kukhazikiska mtende mcati mwa charo. Nangauli fundo iyi njiweme, kweni vyaoneka kuti kanandi ichi chikupulikiskika makora chara pakati pa balongozgi ba ndyale. Mlimo unyakhe uweme uwo ise tikulumba kwa MDF ni kovwira panyengo ya visuzgo vyamabuchi.

Kufuma 2025 mpaka 2030, Boma la DPP lizamuchita ivi:

- Kukwezga milimo ya nchito za malo ghakusambizirako basilikali nga – National Defense College, MDF Command and Staff College (MDFCSC) na Malawi Armed Forces College (MAFCO) kuti unkhwantha wa basilikali bithu ulunthe mnthazi.
- Kwambiska mnthavi wapadera wakovwira basilikali kusambira luso lipya nga umo vinthu vikwendera pacharo sono.
- Kubachiska na kubalumba basilikali kwizira mu masambiro, vymbo vyapachanya, unifomu ziweme kweniso ukhaliro

uweme.

- Kovwira MDF pakupereka vinthu vyakwenelera kuti yigwire makora nchito zakhe zakuvikilira mphaka zithu ku Nsanje, Mulanje, Blantyre, Lilongwe, Mchinji, Likoma, Chitipa na Karonga, na kunyakhe.
- Kovwira MDF kuti yikoleranengeko makora na Malawi Police Service kwiziska mtende mwakukolerananko na malango cha charo (Constitution).
- Kovwira minthavi yinyakhe ya MDF kuti yigwirenge nchito izo zingamanya kuziska ndalamu ku MDF.
- Kunozgaso nyumba zakwanangika ku MDF nakuzenga zinyakheso zipya 2000.
- Kuzenga chipatala chapachanya chaku MDF.
- Kovwira mwakukwana MDF kuti yigwirenge makora nchito zakhe ku milimo yakutali nga United Nations Organisation Stabilisation Mission ku DRC (MONUSCO), Force Intervention Brigade (FIB), Southern Africa Mission ku DRC (SAMIDRC) na kuvyaro vinyakhe.

Malawi Police Service (MPS)

DPP njakunozgeka kovwirana na polisi kuti yigwire makora nchito zakhe mwa unkhwantha na malumbo. DPP yikumanya kuzirwa kwa polisi pakupereka chivikiliro ku banthu na katundu, pakuvumbula ubundi na ubendezi, kweniso pakukola babudi na bachikanamalango. Polisi yiliso na mlimo wakuzirwa pakuchiska mtende pakati pa banthu.

Boma la DPP lizamuchita ivi:

- Kuchiska kusinthika pa kagwiliro ka nchito za Polisi (Police Reforms).
- Kupereka polisi kuti uwe mnthavi wa banthu pakuchiska wene na wene pakati pakhe na banthu m'vigaba.
- Kupereka wovwiri wakukwana ku mnthavi wakuwona madando wa Independent Complaints Commission (ICC) kuti wene na wene pakati pa banthu uthuvuke.





- Kwambiska minthavi yapadera yakuchiska chivikiliro mu misumba.
- Kovwira misumba ya Mzuzu, Lilongwe, Mangochi, Blantyre na Zomba kuti kuwe polisi zaho zapadera (metro police).
- Kuchiska mendero ghaweme gha pamsewu pakujintha vyombo vyakovwira kusanda mendero ghapa msewu (vinthu nga kamera za CCTV). Ivi vyovwirenge kumazga uchitiro wakulipilira pamsewu pala munthu wakoleka chifukwa chakwenda uheni. Ivi vingamazga vimbude.
- Kusanga nthowa zinyakhe zakusandila balobevu paderpa ma breatherylsers mu msewu.
- Kovwira bapolisi kuti bagwirenge nchito yaho yakumazga viwawa mwa unkhwantha.
- Kusazgilako unandi wa bapolisi nakubasambizga makora kuso lakusandasanda na kukaka babudi.
- Kunozga nyumba nakuzenga zinyakhe 4,500 kuti bapolisi bagonengemo.
- Kuchiska wene na wene wa polisi pakati pithu na vyaro kweniso mawupu ghanyakhe.

Malawi Prison Service

Ma jele ghithu m'Malawi ngakjuzula chomene ndipo ukhaliro wa bakayidi ngwakugongoweska chomene. Majele ghithu ghakazengeka kuti ghasungenge bakayidi 10,000; kweni kwasono kukunjila bakayidi bakujumpha 15,000. Majeleghalipo 23 mcharo chino kweni kuti ngakukwana chara. Ghanyakhe mwa majele ghithu ngamwaka chomene; nga jele laku Zomba ilo bakazenga mchaka cha 1935. Boma la DPP ndakunozgeka kovwira majele kugwira nchito zaho mwakufwasa, kweniso kumazga kufyenyana, njala na nyifwa zambula kumanyikwa makora za bakayidi.

Boma la DPP lizamuchita ivi:

- Kusintha uwiliro wa nchito zama jele kuti mmalo

- mwakulanga ma jele ghabenge ghakusambizga kuti pala munthu wafuma wakakhallenge na nkharo yiweme.
- Kuzenga majele ghapya ku Phalombe, Salima, Mchinji, Rumphi naku Monkey bay.
- Kuchiska kawiro kaweme kakowwira kusintha banthu mmalo mwakubalanga.
- Kovwira ma jele kuti ghalimenge chakurya chawo nakuguliskapo icho chakhalapo.
- Kunozgaso nyumba nakuzenga zinyakheso 1,500 kuti banthu bakugwira nchito ku Prison bakhalengemo makora.
- Kusamiska majele gha Maula, Chichiri na Zomba kuti ghalute kumphepete na tawuni.

Mnthavi wavyakusandasanda (National Intelligence Service)

DPP yikumanya kuzirwa kwa mnthavi wa National Intelligence Service uwo chakulata chakhe nkhwirwa boma na uthenga wakwenelera pa ivyo vikuchitika ku udesi na pakweru uwo. Boma la DPP ndakunweka kukhozga nchito za mnthavi wa NIS kuti ugwirenge nchito zakhe kwambula wofi panji kutemwera chifukwa cha ndyale

Tizamupereka wovwiri na vilwero vyakwenelera ku mnthavi NIS kuti nchito na milimo yakhe viba yakwenda makora nyengo zose. Uwu ni mnthavi wakuzirwa chomene pa chivikiliro cha charo chithu.

Mnthavi wa Immigration

Boma la DPP ndakunweka kukhozga nchito za mnthavi wakupereka ma passport nakuwona vya kanjiliro na kafumiro mcharo chino wa Immigration and Citizenship Services kuti ugwirenge makora nchito zakhe. Zinyakhe mwa nchito za mnthavi uwu: n'zakupereka viphaso vyakwendera nga passport, kovwira banthu kufuma na kunjira mcharo chino, kweniso kovwira pa chivikiliro cha charo pakuwona kuti banthu awo banjila mcharo chino mbakwenelera. Mnthavi uwu kwasono



uli kuleka dankha nchito yakupereka viphaso vyakwendera ku Mzuzu, Mangochi na Blantyre chifukwa maonekero gha passport izo zikafumanga ghakaba ghakulengeska chomene. Chifukwa cha passort zanthuera izi, banthu banji batondekanga kutembeya nazo kuvyaro vinyakhe. Chachitimaso nchakuti passport zikupelekeka ku banthu ba vyaro vyakuwaro kwambula kulondezga dangoo ndipo banji awo bakusanga passport yithu mbathu bakuti kukwawo bali na milandu.

Boma la DPP lizamuchita ivi:

- Lizamukhozga kawiro na kaonekero ka passort yithu.
- Tizamuperekenga passort yithu kwa bina-Malawi bakuzomerezgeka.
- Tizamujulaso nchito zakupereka passort ku Mzuzu, Mangochi na Blantyre padera pa zinyakhe.
- Tizamusazgirako malo ghanyakhe ghanayi ghakugwirlako nchito za mnthavi wa Immigration.
- Kunozgaso nyumba nakuzenga zinyakhe 4,500 zakuti banthu bakugwira nchito ku Immigration bagonengemo.

5.2.3 UBALE NA VYARO VINYAKHE

Boma la DPP likumanya uweme wakukoleranako na vyaro na mawupu chifukwa kuchita nthuera kukovwira pa mlimo wakukwezga charo cha Malawi. DPP yikumanya kuti ubale na ubwezi ni ntchandamilza usani na mtende. M'vyaka vinkhonde ivyo vikwiza, DPP njakunozgeka kuchiska kawiro aka.

Boma la DPP lizamuchita ivi:

- Kuchiska malonda agho nga chandulo ku bina-Malawi na charo chawo.
- Kuchiska banthu na makampani ghakuwaro kuzakambiska nchito za bizindesi kuno kwithu.
- Kusanga wovwiri kwa ndalamana na ngongole kufuma ku

babwezi na vyaro.

- Kuchiska nchito zakuchema balendo kuti banandi bazakachezge kuno kwithu.
- Kuchiska nchito za maji, magesi, mafuta na katundu munyakhe kufuma kuwaro.
- Kuchiska masambiro, kwendelana na ukhaliro pakati pa charo chithu na vyaro vinyakhe.
- Kuchiska umoza pa makani gha sayansi na luso kuti charo chithu chikwere kswakuyana na umo vinthu vikwendera sono pacharo chapasi.

Boma la DPP lizamuchitaso ivi pakovwira kukhozga ubale na vyaro:

- Tizamukhozga chivikiliro cha charo chithu ku balwani bamkati na kuwaro.
- Tizamovwira kuchiska mtende mchigaba chakumwera kwa Africa pakumazga mphindano na nkhondo kwendera mu vidumbilano vya mtende na umoza.
- Kuchiska ubale pakati pithu na vyaro na mawupu awo bali na maghanoghamo ngati ghithu ghakuti banthu bakhallenge lumoza mwamtende.
- Kukhozga kawiro ka minthavi yaboma iyo nchito zakhe nkhowwira boma kuchiska ubale wapakati pakhe na vyaro kweniso mawupu.
- Kuchiska wanangwa wakubabika nawo, kusunga dangoo na kuchiska wanangwa wa democracy.
- Kupereka wovwiri kwa awo basuzgika na visuzgovyamabuchi.
- Kovwira kusunga vinthu vya chilengiwa kuti chuma chithu chendenge makora kuti bana bazakachisange makora charo chithu.

Kunozga ndondomeko ziweme zakovwira magwiliro gha nchito kuno kukaya na kuvyaro vyakuwaro.



Boma la DPP ndakunozgeka kuchiska vidumbirano pakati pakhe na vyaro vinyakhe na chakulata chakukwezga malonda kuno kwithu. Ivi vyovwirenge kuti charo chithu chisange makopala ghakuwaro agho ghovwirenge panchito zakukwezga umoyo wa banthu. Milimo iyi yovwirengeso kulemba nchito banthu ba Malawi. Boma la DPP ndakunweka kuchiska fundo yakuti nase katundu wakuno kwithu wawenge wa chanduro kuvyaro vyakuwaro.

Tikumanya kuti charo cha Malawi nchilwa (is not an island) yayi kuti chikhallenge pachekha. Malawi ni mwanangwa kupanga ubwezi na vyaro na mawupu vyakuwaro kuti nchito zachitukuko zendenge makora. Boma la DPP likagwira nawo nchito yakwambiska wupu wakuchiska wanangwa pa malonda wavyaro vyose 54 mu Africa wa African Continental Free Trade Area (AfCFTA) uwo nchito zakhe zikamba kulondozgeka pa 1 January 2021. DPP njakunozgeka kulutizga vyakuchiska wene na wene ma mawupu nga: COMESA, SADC kweniso ubale wa vyaro 26 kwizira mu ndondomeko nya COMESA-EAC-SADC Tripartite FTA. Ivi vyovwifrenge kukuzga chuma cha charo chithu.

DPP njakunozgeka kufiska milimo uwu pakulondezga malango na fundo zakukhazikika izo vyaro na mawupu ghakulondezga. Boma la DPP lizamufiska milimo iyi na chakulata chakukwezga umoyo panji ukhaliro wa bina-Malawi. Boma la DPP ndakujipereka kufiska nchito iyi pakulondezga phangano ilo vyaro vyamu Africa vikakoleranako pakwambiska wupu wa African Union (AU) kuti chuma na ukhaliro mu Africa vyendenge mwakutowera banthu bakhe. Boma la DPP ndakunozgeka kubanekaso ghanji mwa maphangano ghavya malonda ghapakati pakhe na vyaro vinyakhe.

Boma la DPP ndakunozgekaso kulabiskapo makora pa kendeskeru ka nchito zakhe ku maofesi gha bakazembe ba charo chino ku vyaro vinyakhe. Chakulata nchakutumako ku

maofesi agha banthu awo mbakumanya makora nchito yawo kuluska kutumako waka munthu chifukwa cha ndyale panji kumanyikwa.

Kusazgirapo, boma la DPP lizamusambizganga dankha banthu bakugwira nchito ku maoesfi gha kazembe kuti bamanyenge makora icho balutira ku vyaro na mawupu kukagwira nchito yawo yakwimilira charo chino kuwaro.

Bina-Malawi awo bali kwaro kwa charo chino (Diaspora)

Boma la DPP likumanya makora kuzirwa kwa bina-Malawi awo bakugwira nchito na kukhala kuvyaro vyakuwaro. Mchaka cha 2014 ise ba DPP ticasachizga kuti kuwe dango lakovwira munthu kusunga viphaso viwiri (Dual Citizenship). Ndipo ndise bakukondwa kuti sachizgo ili sono ni dango lakukhazikika lati lazomerezgeka na Mphara ya Marango.

Boma la DPP likasinthaso marango ghakovwira ghakutumizgiro na kapokelero ka ndalama zakuwaro mwakuti kwasono munthu ni mwanangwa kugwiriska nchito ndondomeko zipya kwizira mu icho tikuti Foreign Currency Denominated Accounts (FCDAs) ku ma bank ghithu. Nga nthowa yimoza yakovwira bina-Malawi awo bakukhala kuwaro, tikakhazikiska mnthavi wapadera wa Diaspora Unit ku Unduna wakuwona Vyakuwaro kuti wovwirenge pala pali suzgo. Kweniso kwasono ofesi yili yose ya ukazembe yili nawo m'nthavi uwu.

5.4.3 KENDERU KA NCHITO ZA BOMA

Fundo za chitukuko za Malawi 2063 zikuchiska mtende kweniso kujipereka na kutemwa charo mu kagwiliro ka nchito kuti chitukuko chilute mnthazi. Nchito ya Boma yikwenera kuwa na ntakwantha kweniso banthu awo mbakutemwa charo kuti chitukuko chilute panthazi. DPP njakunozgeka kukhozga



fundo zakovwira kuti banthu basangenge upangili wenwcho pakugwira nchito zawo.

Mphara ya Marango

DPP yikugomezga kuti nchito ya Mphara ya Marango nkhovwira boma kwendeska makora nchito zakhe pakupereka unjilikizgi wakwenelera. Boma la DPP ndakunweka kovwira Mphara ya Marango kuti yigwirenge nchito zakhe mwakutowera waliyose nga nthowa yimoza yakovwira kuthuvula wanangwa wa democracy. Muvyaka 30 vya democracy, DPP yikumanya makora vyakuzirwa kwa Mphara ya Marango ndipo boma lithu lizamuchita chilichose chakovwira kukhozga milimo ya Mphara ya Marango. Mphara ya Marango yikwenera kovwiranga waliyose kwambula kulabiska uko munthu wakufuma panji chisopo icho iyo wali.

President na Nduna Zakhe

Boma la DPP ndakunweka na fundo yakuzakakhazikiska malango na ndondomeko ziweme zakovwira kuti nchito za boma zendenge makora, kuti banthu bakugwira nchito za boma bagwirenge nakufwasa kweniso kujipereka nakutemwa nchito yawo.

DPP yikumanya kuti ndalamu n'zakusuzga kusanga anthuera yizamulutilira na fundo yakhe yakusankha nduna za boma zichoko waka; kweni zakumanya nchito yawo. Boma la DPP ndakunweka kuchiska umoza na chipulikano kwambula kulabiska chipani icho munthu wali.

Boma la DPP ndakunweka kuchiska urunji mu kagwiliro kanchito kweniso kudangilira nakupereka ulongozgi wakwenelera kuti charo chikwere pa chuma na ukhaliro wa banthu. Ulongozgi wa DPP uliko kutebetera banthu ba Malawi.

Nchito za Makhoti

DPP yikumanya kweniso kulumba nchito yiweme iyo makhoti na beruzgi bakhe bakugwira pakukhozga wanangwa wa democracy mcharo chino. Kufuma mchaka cha 1994 apo wanangwa wa democracy ukizila mcharo chino makhoti ghagwira makora nchito yawo yakubaneka marango na kunjilikizga pakendeskero ka charo. DPP njakunweka kovwirana na makhoti kweniso beruzgi bakhe kugwira makora nchito yawo yakupataula marango na kunjilikizga apo mphakwenelera. DPP yikumanya kweniso kuepereka nchindi ku makhoti pa nchito izo ghakugwira.

Kendeskero ka nchito za Boma

DPP yikumanya kuzirwa kwa nchito za boma chifukwa ndizo ni jando la chitukuko m'charo. Nchito za boma izo zikugwirika mwakulondezga marango ndizo mbwiwi ya chitukuko chifukwa mwavinyakhe, kukubavye vimbunde na ubudi wakupambanapambana. Urunji mu nchito za boma nguweme chifukwa ukovwiraso kuchiska wene na wene na makampani na nchito za bizinesi mcharo.

Boma la DPP ndakunozgeka kuchiska kawiro kaweme ka nchito za boma mwakukoleranako na marango gha charo (Constitution). Boma la DPP ndakunweka kuchiska wanangwa wa minthavi yitatu ya boma: President and Nduna, Makhoti na Beruzgi, Mphara ya Marango na Bimiliri bakhe. Ivi vikovwira kuchiska umoza na chipulikano kweniso chigomezgo m'charo.

Kwasono nchito za boma zikwenda makora chara nangauli pali kubikapo mtima kuti vinthu visinthe. Fundo izo likambiska boma la DPP vyaka vinkhonde na chimoza ivyo vyajumpha; zakovwira kusintha kagwiliro ka nchito m'boma ndizo zekha zikawoneka kuti zazomerezgeka. Kwasono palije na fundo na yimoza uwo iyo boma lasono lafiskapo kuti nchito



zisinthe m'boma. Ndipo vikumanyikwa chara kuti kasi mu fundo za sono izo zikaperekka kwa President muli makani uli? DPP njakunozgeka kusintha vinthu m'boma nakulabiskapo malipiro gha banthu.

Kufuma mchaka cha 2025 mpaka 2030 nakunthazi Boma la DPP lizamuchita ivi:

- Kupereka kagwiliro kaweme kanchito za boma ku banthu ba Malawi.
- Kubanekaso makora mipando na nchito za m'boma.
- Kukwezga malipiro na tunyakhe twapanchito mwakukoleranako na umo ndalama yawira pasi.
- Kukwezga panchito bose awo bakugwira makora kwambula kutemwera.
- Kulembanchito basmabizgi na banchito za umoyo kwambula kutemwera.
- Kusankha nduna za boma zichoko waka kweni zakumanya nchito.
- Kupereka wowwiri wa chipatala kwa bose awo bapumula panchito (medical cover).
- Kupusumpha pakureka ndalama za penshon kwa awo bapumula pachito.
- Kulemba nchito banthu bakwenelera malinga na masambiro ghawo.
- Kubanekaso fundo za kagwiliro ka nchito m'boma.
- Kuchiska kagwiliro kaweme kanchito pakuperekira viringwa vyakujisanda (performance appraisals) na kulumba awo bagwira makora pakubakwezga.
- Kunozga nakuzengaso ma ofesi ghakugwilira nchito za boma nga nthowa yimoza yakupwelerako ndalama.
- Kutuma ku masambiro ghapachanya banthu awo bakugwira makora nchito m'boma.
- Kupereka wowwiri wakwenelera ku maunduna na madipamenti gha boma.
- Kupereka masambiro ghapadera ku bakugwira nchito m'boma kuti bakasambilenge ku Malawi School of

Government iyo sono yili kusazgana na Mpemba Staff Training Colleges.

5.6 MAKAMPANI, MAFAKITARE NA MALONDA

DPP yikumanya kuti nchito za makampani, malonda na mafakitare n'zakuzirwa chomene chifukwa zikovwira kukwezga chuma cha charo. Kwasono nchito izi zikwenda makora chara chifukwa chakusobeka kwa vinjeru na phamphu lapadera kulwande la boma ilo lilipo. Kusoba kwa mendero ghaweme na kusoba kwa ndarama zakuwaro n'vinyakhe mwa ivyo vikuwezgera nyuma nchito izi. Boma la DPP ndakunweka kuchiska kawiro kaweme ka nchito izi chifukwa zizamovwira kupereka nchito ku banthu chomene bawukirano mcharo chino.

Kwasono nchito za mafakitare zikusazgirako waka 9.37 percent ku nchito yakukuzga chuma chithu (GDP). Ise nga DPP tanozgeka kuzakakuzga nchito izi na 16 percent pa umaliro wa vyaka vinkhonde. Tili na chigomezgo kuti ivi vizamovwira kukwezga ukhaliro wa banthu mcharo.

Kukwezga Nchito za Mkampani

Boma la DPP lizamuchita ivi:

- Kunozga fundo zakovwira kumazga visuzgo ivyo vikuwezgera nyuma nchito za mafakitare na malonda. Kweniso kuchiska bawukirano kwambiskanga nchito zaho na malonda.
- Kwambiska nchito zakupanga katundu kufuma ku ivyo banthu bakolola ku ulimi ku minda na ku migodi.
- Kuchiska kagwiriskiro nchito ka luso lipya (ICT) na kupereka masambiro ghapachanya ku ma unduna ma dipatimenti ghaboma pakovwira kuchema bizinesi zakuwaro.

Mafakitare



Boma la DPP ndakunweka kukwezga nchito za malonda na makampani ghachoko na ghakuluko (SMEs) pakuchita ivi:

- Kwambiska minthavi yapadera yakukuzga biznesi ya Special Economic Zones (SEZs), kumalizga kuzenga malo nga Luwinga ku Mzuzu, Magwero ku Lilongwe, Chigumula na Matindi ku Blantyre na chakulata chakovwira kupanga katundu wapachanya wakumuguliska kuwaro.
- Kulutiska panthazi nchito za magesi na mafuta kuti mafakitare ghendenge makora.
- Kugumanizga bawukirano awo basambila luso ku ma Community Colleges na mabizinesi ghachoko na ghakulu kuti bovwirenge kukwezga biznesi na chuma.
- Kukhazikiska malo ghapadera mu vigaba ghakupanga katundu wakupanapambana nga visulo, vyakuvwala, mafuta ghakuphikira, skapato na ma bande na katundu munyakhe ku malo nga: Ndirande, Bangwe, Chirimba, Chilomoni, Machinjiri, Nchesi, Chinsapo, Area 23, Area 25, Kauma, Area 36, Matawale, Chikanda, 3 Miles, Mchengautuwa, Luwinga na Karonga.
- Kwambiskaso nchito zapadera zakovwira banthu mwalubiro ku one stop centre ku Malawi Investment and Trade Centre (MITC) agho DPP yikambiska mvyaka vyakumanyuma uko. Kwasono mnthavi uwu wanjila pasi.
- Kwambiskaso na kutukula ndondomeko yakuphalazga uweme na kutowa kwa charo cha Malawi kwizira mu maungano gha Malawi Investment Fora. Mkati mwakhe muli fundo zakupataulira banthu uweme wakwiza kuzakachezga kuno kwithu. Mu nyengo ya boma lithu, maungano ghanthuera agha ghakawovwira kuthuvula charo chithu juti chiwe chimoza mwa vyaro vitatu mu Africa ivyo balendo bakachimbilirangako kuzakachezga.
- Kwambiska mnthavi wa boma wakovwira kwambiska makampani ghakupanga katundu wapachanya kufuma ku vyakukolora, migodi na magesi kweniso minkhwara. Boma lizamwamba kampani iyi na ndarama pafupi 500 billion

Kwacha.

- Kwambiska fundo zakovwira kukhizga inflation kufika pa mlingo wakwenelera.
- Kuchiska fundo zakovwira kuti ndalamu zakuwaro zileke kusoba.
- Kuchiska fundo zakovwira kupwelera ma biznesi na nchito za malonda kweniso fundo zakovwira kumazga vimphindikwa mu kagwiliro ka nchito.
- Kuchiska nchito za migodiya mawe ghakupambanapambana ku Kanyika Hills ku Mzimba, Songwe Hills ku Phalombe, Makanjira ku Mangochi, Kangankunde ku Balaka, ku Chimwazulu ku Ntcheu, ku Malingunde na ku Kasiya, ku Ilomba ku Chitipa na ku Kayelekera Uranium Mine ku Karonga.
- Kupereka ndalamu pafupi 500 Billion Kwacha zakwendeskera mnthavi wa boma wa Mining Investment Company (MAMICO).
- Kuchiska milimo yaminthavi ya yaboma pa chitukuko nga Malawi Agricultural and Industrial Investment Corporation (MAIIC) na Export Development Fund (EDF) kuti ghagwirenge nchito zaho mwakufwasa.
- Kwambiska thumba lapadera lakukongozga banthu ndalamu za biznesi la Community Credit Fund (CCF).
- Kwambiska milimo yakugumanizga minthavi ya boma nga MAIIC, CCF na EDF pakovwira mabiznesi kuthuvuka kuti chuma chendenge makora.
- DPPnjakunozgeka kumazgavisuzgo ivyo banthu bakupumula panchito bakusanga navyo kuti bapoke ndalamu zaho. Boma lizamovwira banthu aba kukhazikiska nchito izo zingabawovwira pakugwiriska makora nchito ndalamu izo bapokera.
- Tizamuchiska banthu kuti babenge na mtima wakusunga ndalamu kwizira ku ma SACCO.
- Kuchiska milimo yakapimilo kaweme ka katundu ndipo tizamuzenga ma laboratory ku Mzuzu na ku Lilongwe kuti katundu wapimikenge pambere wandalute ku banthu.
- Kuchiska bina Malawi banandi kugwiranga nchito za



malonda mu vikaya kuti chuma chithazire uko banthu bakukhala. Boma la DPP ndakunweka kulabiskapo makora pa kachemeskero ka katundu kufuma kuwaro nga mipando na vinyakhe.

- Tizamugwiriska nchito makina na vyombo ivyo vilipo kale nga vyombo vya One Village One Product (OVOP) vyakupangira dende la chilanda.

Malonda

Boma la DPP lizamuchita ivi:

- Kwambiska na kukuzga misika yapachanya yakuguliska katundu wavya ulimi mu malo nga: Jenda, Lizulu, Tsangano Turn-off, Bvumbwe, Khwisa na Salima.
- Kusanga misika yapachanya ya katundu wa Malawi kuvyaro vyamu mawupu gha SADC FTA, COMESA FTA kweniso kwizira mu mapangano nga la African Continental Free Trade Area (AfCFTA). Palwande pakhe kubaneka na kuchiska malonda na vyaro vya United States of America, India na China mwakukoleranako na malango gha wupu wavya malonda pacharo wa World Trade Organization.
- Kovwira ma ofesi gha ukazembe kuti ghasangenge makampani na banthu kuzakambiska nchito zawo kuno kwithu
- Kulimbikiska viwoneskero vya malonda, vya ulimi na viwoneskero vya katundu wapachanya kuno kukaya na kuwaro uwo.
- Kuzenga malo ghakovwira banthu pakunjira na kufuma mchari cha One Stop Border Post ku Songwe, Muloza na Chiponde.





5.6 NCHITO ZAKUTUKULA MUNTHU

5.6.1 MASAMBIRO

Fundo za chitukuko za Malawi 2063 zikulabiskaso chomene pa masambiro nga jando lakovwira charo chino kutukuka. Ndicho chifukwaboma la DPP ndakunweka kukwezga masambiro chomene pakati pa bawukirano.

Pakati pa vyaka vya 2014 mpaka 2019 boma la DPP likachiska chomene nchito za masambiro mu sukulu na nchito za luso mu sukulu zakusambizgira luso ili. Kwasono vinthu vyawelera nyuma na 20% muvyaka vinkhonde ivyo vyajumpha. Boma la DPP likaperekanga masambiro gha ulere ku primary ndipo apa lanozgeka kuzakapereka masambiro gha ulere ku sekondare. Mchaka cha 2018 tikambapo mlimno uwu apo tikamazga vyakuopereka fizi na vinthu nga sukulu fund. Pakufika mchaka cha 0230 tizamuba kuti tafiska ndondomeko yakuti mwana waliyose wasambire kwambula visuzgo.

Sukulu za Nazale

Kufuma 2025 mpaka 2030 Boma la DPP lizamuchita ivi:

- Kusambizga basambizgi banandi ba sukulu za nazale kutola Diploma panji Degree
- Kubanya sukulu za nazale na za primary kuti bana bayambukenge makora kuluta kalasi linyakhe
- Kwamba kupereka malipilo ghapa mwezi ku basambizgi na nazale kufuma kwa DC.

Masambiro gha Primary

- Kuchiska masambiro gha ulele kwakuyana na dango.
- Kumazga fizi za primary na fizi za ma ID ghaku MANEB.
- Kwambiska makilasi ghakunozgekereska bana pambere

- bandalute kilasi linyakhe.
- Kuzenga sukulu zipya, na kunozgaso zakale.
- Kuchiska uchanda mu sukulu zose kusazgirapo kupereka vipinda vyapadera vya ba basungwana kugezeramo.
- Kuzenga sukulu zakovwira bana awo bakhumbikwa wovwiri wapadera m'vigaba vyose vya masambiro.
- Kuzenga nyumba zakovwira basambiri na basambizgi awo mbakulemala.
- Kuchiska fundo yakupereka vyakurya ku bana mu sukulu.
- Kuchiskachitemwa ka kukoleranako pakukwezga masambiro gha bana awo bakhumbikwa wovwiri wapadera pakubapa msambizgi wawo uyo ngwakumanya makora nchito yakhe.
- Kubanekaso makora ndondomeko za kasambizgiro (Primary School curriculum) pakusazgirako visambizgo nga vya luso, bizinesi, na vyachuma.
- Kovwira basambizgi baku primary kuti babenge na masambiro gha Diploma panji Degree kuti nchito yawo yendenge mwa unkhwantha.
- Kulemba nchito basambizgi banandi ba IPTE 14 mpaka IPTE 18 kuti masambiro ghalute mnthazi.
- Kupereka vilvero vinandi kweniso vyakwenelera pakusambizga bana awo bakukhumbikwa wovwiri wapadera (Special Needs TLMs).
- Kuchiska kasambiliro kapa foni. DPP yikambiska kale ndondomeko iyi.
- Kuwoneseska kuti sukulu zose zili na magesi.
- Kwambiska viusambizgo vyapa TV padera pa ivyo vili kale pa wayilesi.
- Kuchiska masambiro mu sukulu zose. DPP yikambapo kale kuzenga na kukuzga malo ghakuchitirako masobero mu sukulu.
- Kulabisiska kuti basambizgi bakugwira nchito yawo mwakusangwa nakuti bakupokera malipro ghawo ghapamwezi munyengo yakhe; kweniso kuti bakukhala nyumba ziwemi. Boma la DPP lizamukhazikiska thumba lapadera lakovwira basambizgi kusanga ngongole.

- Kukhukiska basambizgi pakubawonga na njombe pala bakwezga makora bana mu sukulu.
- Kuchiska masambiro gha nchito za luso mu sukulu za primary.

Masambiro ghaku Sekondale

Boma la DPP lizamuchita ivi pakukwezga masambiro ku sekondale:

- Kumazga fizi zaku sekondale
- Kunozgaso marango nakuchiska vyakuti masambiro ghaku sekondale ghabe gha waliyose.
- Kuzenga sekondale zipya zinandi kuti zovwire chomene bana bakusoberwa.
- Kusazgirako vyakusambiliramo na vyakusambizgila mu sekondale za Community kuti ziyane waka na sekondale zinyakhe za boma pakuzengamo nyumba zakubazgilamo mabuku, ma laboratory na vinyakhe.
- Kujula sekondale zinandi kuti banaanyakhe basambirenge namlenji ndipo banyakakhe na mhanya.
- Kukuzga fundo yakusambilira kunyumba kweniso kwizira pa foni na makompyuta.
- Kunozgaso sukulu izo zili kubwanganduka.
- Kuchiska uchanda mu sukulu zose.
- Kuzenga nyumba zinandi zakugonamo bana basungwana kuti baleke kulekera sukulu panthowa. Kweniso kupereka wovwiri wa fizi kwendera ma bursary. Kumazga midauko yihene iyo yikuwezgera nyuma masambiro gha basungwana.
- Kuzenga nyumba zinandi za basambizgi chomene mu sukulu zamkaya.
- Kubanekaso kasambizgiro kaku sekondale kuti kabenge kakuyana na umo vinthu vikwendera madazi ghano.
- Kwambiska masambiro gha nchito za luso mu sukulu za sekondale kusazgirapo za Community.
- Kusambizga na kulemba nchito basambizgi banandi ba sekondale.



- Kupereka mu sukulu vilwero na makina ghasono vyakusambizgira bana awo bakukhummba wovwiri wapadera.
- Kuchiska nchito yakwendera nakulabiska umo masambiro ghakwendera mu sukulu.
- Kupeereka ma desk ghakukwana mu sukulu kuti basambiri baleke kuhala pasi.
- Kupereka magesi mu sekondale zose.
- Kupereka intenet ku sukulu za sekondale zose.
- Kuzenga makilasighakusambizgiramovyaluso laketumizgira mauthenga la ICT na sayansi mu ma sekondale za community.
- Kuchiska nchito za ma kompyuta mu sukulu za sekondale.
- Kuchiska masambiro gha sayansi, luso na ziwaro mu sekondale zose.
- Kumazga fizi pa virimgwa vya JC na MSCE
- Kuchiska masambiro ghakupambanapambana mu sukulu za sekondale.

Masambiro ghapachanya

- Kuzengelako maofesi, nyumba zakugonamo na makilasi mu univesite zose za boma.
- Kuwoneseska kuti univesite zaboma zili za malo ghapachanya ghakuchitirako kafukufuku kweniso ghawe na vyombo vyakusambilira vyapachanya mwakukoleranako na umo vinthu vikwendera kwasono.
- Kusazgirako ndondomeko yakusambilira kunyumba ya Open, Distance and e-Learning mu univesite zinthu.
- Kukhazikiska univesite yakuti banthu basambilirenge kunyuma ya Open University of Malawi
- Kwambiska nchito yakupereka fizi ku bana awo mbakusoerwa kuti basange chikwerete cha fizi. Kupereka mwawi wanhuera uwu ku basambiri ba visambizgo vya diploma mu Open Distance and e-Learning.
- Kumalizga kuzenga sukulu yapachanya ya Inkosi ya Makhosi Mmbelwa University iyo boma la DPP likambapo kale kweni

- ba boma la MCP latondeka kumalizga.
- Kuzenga na kupereka malo ghanandi ghakugona mu univesite za boma mwakukoleranako na mawupu na makampani (Public Private Partnerships).
- Kovwira bana awo mbakukhumbikwa wovwiri wapadera mu univesite za boma kusambila mwakufwasa.
- Kuchiska kawiro kapachanya ka masambiro ghaku Univesite za boma.
- Kupereka ma satifiketi, ma diploma na ma degree agho ngakuzomerezgeka na boma.
- Kunozgaso kasambizgiro na kasambiliro kuti masambiro ghakoleranengeko na fundo zakukwezga charo za Malawi 2063.
- Kukhozga nchito za kendeskero ka kapelekero ka viphaso vyakwendeskera univesite zaboma.
- Boma la DPP ndakunweka kukwezga masambiro gha sayansi na luso pakuthuvula fundo zakwenelera zakowwira kuthuvula unkhwantha ku banthu bakugwira nchito m'boma.
- Kupereka ndalamna na wovwiri wakwenelera ku mnthavi wakuchiska kafukufuku wa National Research Fund uwo likambiska ni boma la DPP.
- Boma la DPP ndakunweka kuchiska masambiro ghakukoleranako na kendeskero ka chitukuko kuno kwithu. Anthuera Boma la DPP lizamuchiska umoza na kovwirana pakati pa boma na makampani kuti masambiro ghapachanya ghabenge gha chanduro.

Kusambizga na Kutukula Basambizgi

Boma la DPP likumanya kuti masambiro ghangakwera pala basambizgi bakumanya makora nchito yaho. Anthuera Boma la DPP ndakunweka kupereka masambiro gha basambizgi pakuchita ivi:

- Kupereka wovwiri wakwenelera ku sukulu na makoleji ghakusambizga basambizgi.
- Kwambiska masambiro gha Diploma na Degree kwa







basmabizgi baku primary.

- Kuzenga koleji yapadera yakusambizgirako basambizgi bakovwira bana awo mbakukhumbikwa wovwiri wapadera (special needs).
- Kuchiska masambiro ghakuti basambizgi balutengeko kukajikumbuska vy a nchito yawo (Continuous Professional Development -CPD- Framework).

Ma Community College na Nchito za Luso

Boma la DPP, mvyaka vyapakati pa 2014 mpaka 2019 likakhazikiska ma technical college ghanandi mu maboma kweniso ma constituency ghose na chakulata chakovwira bawukirano kusambira luso la nchito zakupambapambana kuti chuma cha charo chino chikwere. Ma technical college agha ghakavwiraso chomene pakupereka mwawi wa nchito.

Kufuma mchaka cha 2025 mpaka 2030 Boma la DPP lizamuchita ivi:

- Kovwira nchito za TEVET kweniso kuzenga ma koleji ghakusambizgilako vyaluso ghanandi pa constituency yiliyose mcharo chino .
- Kuzenga makoleji gha basambizgi ba nchito za luso kuti wupu wa TEVET uwenge na basambizgi bakumanya makora nchito zavo.
- Kuperekanga mwawi wa biznesi kwa bawukirano awo basambira nchito za luso.
- Kuperekanga vilwero na vyombo vipyva vyakusambizgila nchito za luso.
- Kulabisika kuti pali kukoleranako pakati pa luso ilo banthu bakusambilika ku makoleji kweniso kwizira ku wupu wa TEVETA padera pa umo luso ilo lingovwilira kukwezga charo.
- Kusankha unduna wapadera wakuti wendeskenge vy a nchito za luso.
-

Masambiro ghaku Ulala

Ubulu nguweme chara chifukwa ukuwezgera nyuma nchito za chitukuko m'charo. Mvyaka vinkhonde ivyo vyajumpha, ubulu wakula chomene pakati pa bawukirano na balala wuwo chifukwa chakusoweka kwa fundo zakwenelera kukwezga masambiro ghanthuera agha.

Kufuma 2025 mpaka 2030 na kunthazi kose uko, Boma la DPP lizamuchita ivi:

- Kuzenga malo ghanandi ghakusambizgilako sukulu zaku ulala nakuwona kuti banthu 500,000 bakusambilika pachaka.
- Kulemba basambizgi banandi bakovwira kuperekwa masambiro ghaku ulala kweniso kuwalipilanga ndalama kwakuyana na dango la boma.
- Kusambizganga mwapadera, patali pa pafupi, banthu awo bakusambizga masambiro ghaku ulala.
- Kulemba nchito wose awo mbakusambilika makora vy a nchito yakupereka masambiro ghaku ulala.

Kulabisika makora ndondomeko ya kasambizgi na kasambiliro ka visambizgo vyaku ulala kwakuyana na fundo zakukwezga charo.



5.6.2 UMOYO, KALYERO KAWEME, UCHANDA.

Boma la DPP likumanya kuti banthu awo mba umoyo uweme kweniso awo bakukhala mwakufwasa mu uchanda na kurya makora ndiwo bakovwira kukwezga charo. Boma la DPP likumanya kuti fundo za chitukuko za Malawi 2063 zingafiskika pala banthu bakukhala umoyo wambula matenda kweniso pala bakurya makora . Nthuera Boma la DPP ndakunweka kuchiska fundo izo zingakwezga kawiro aka. Ndise bakunweka kujintha fundo izo kawiro kakhe nkhakulabisika kuti umoyo wa banthu ukulunta mnthazi.

Umoyo wakuzala kwa wose

Tikumanya kuti nchito zinyakhe zawelera nyuma chifukwa chakuti vyaro na amwupu bawezgako kapelekero ka wovwiri kucharo chino. Antheura boma la DPP lizamuchita ivi pakukwezga nchito za umoyo:

- Kuwoneseska kuti ndalama zakutondana na matenda zikupelekeka zinandi kweniso munyengo yakhe.
- Kusambizga banthu vya uweme wakujipwelera nakumanya kuti umoyo ngwakizrwa mu kawiro na kagwiliro ka nchito zose za boma.
- Kupwelera makora ndalama izo zapiwa kugwila nchito za umoyo.
- Kulabisika kuti ndalama na katundu vileke kusakazika pawaka mu kagwiliro kanchito za umoyo.
- Kuwika ndondomeko yakovwira kumanya kuti uyo wapokera wovwiri ku chipatala ni mwina-Malawi nadi ndipo tizamuchita pakukhozga nchito nchito yakupereka ma ID.
- Kuperekwa masambiro ghakwenelera ku banthu bakugwira nchito za umoyo.
- Kuchiska kukoleranako mu kagwiliro ka nchito za umoyo--pakulabiska umoyo wa munthu kweniso pakulabiska umo

munthu uyo wangajivikililira pakuleka kutola matenda ghakwambukila kufuma ku vinyama panji vibeto.

Boma la DPP likumanya kuzirwa kwakujipwelera na kujivilira ndipo ndakunweka kuchiska kawiro aka.

Malango na Ulongozgi

Boma la DPP lizamuchita ivi:

- Kulabisko makora malango ghavya umoyo kusazgilapo dango la the Public Health Act of 1948 na linyakheso lakuwona vyachakakurya la the Food and Nutrition Bill.
- Kumalizga mlimo wakukhazikiska mnthavi wa Public Health Institute of Malawi (PHIM)
- Kuchiska fundo yakuti vipatala vikulu vya Central Hospital viyimenge pavyekha.
- Kuperekwa nkhongono ku banthu pakugwira nchito za umoyo.
- Kuchiska fundo yakupokera madando pa chipatala ya the Hospital Ombudsman program.
- Kuchiska makomiti ghakwendeska nchito za umoyo pachipatala.
- Kuchiska kagwiliro kaweme kanchito za umoyo pakukhozga ndondomeko zakwenelera.
- Kuchiska wene na wene pakati pa boma, mawupu na vyaro awo bakutovwira panchito za umoyo.

Umoyo na Kusintha kwa Nyengo

Boma la DPP likumanya uhene wa kusintha kwa nyengo. Kufuma mchaka cha 2025 mpaka 2030, ise tanozga ivi:

Kuwoneseska kuti banthu bakugwira nchito zakuwona vyachilengiwa pa khanselu bakugwira nchito yaho yakuvaneka na kunjiklikizga makora kuti banthu baponenge ku ngozi zakwiza mu mabuchi.

- Kuchiska kvyakugviriska nkhongono zakuphikira panji



kulikila izo nzambula kwananga vilengiwa. Boma la DPP ndakunweka kuchiska kawiro aka kuti chipatala chilichose chibenge na magesi nyengo zose. Kose uko kulije magesi, DPP yizamuperekta kuti madokotala na banyawo bawgirenge nchito yawo mwakufwasa.

- Kuchiska ndondomeko yakuti banthu bamwenge maji ghaweme ghambula matenda.
- Kuchiska fundo ziweme zakatayiro ka viswaswa.
- Kuchiska uchanda pakamwero na kagwiriskiro nchito ka maji mu vipatala na malo ghose ghakugwilirako nchito za umoyo.

Chivikiliro pamalo ghakugwilirako nchito za umoyo

Boma la DPP lizamuchita ivi:

- Kulondezga fundo zakovwira kuvikilira banthu bakugwira nchito za umoyo kwakuyana na dango.
- Kupereka upangili na kawiro kakwenelera ku banthu bakugwira nchito za umoyo kuti baleke kusangana na visuzgo panchito.
- Kujintha fundo zakuti banthu bakugwira nchito za umoyo baleke kutola matenda ghakwambukila mkatı mwakugwira nchito zavo.
- Kulondezga ndondomeko zakovwira kujivilira pakati pa banthu bakugwira nchito za umoyo na balwale mkatı mwa chipatala.

Kupereka umoyo uweme ku waliyose.

Boma la DPP ndakunweka kuchita ivi: :

- Kuchiska mlimo wakusambizga banthu m'vikaya vyawo uweme wakujipwelera kuti baleke kulwalaluwala; uweme wakurya makora; uweme wa masobero ghakukhozga thupi na vinyakhe.
- Kuchiska mendero ghawme kweniso ghalubiro pakutolera matenda kuchipatala.
- Kuchiska mendero ghaweme na kubika ngthowa ziweme





zakuti balala na bana batchovelengemo njinga zaho.

- Kunozga nthowa zakuti bachitilengemo masobero ghakukhozga thupi pakwenda pasi, kutchova njinga; kuchezgeramo na tunyakhe kuti umoyo wa munthu usangulukenge.
- Kuzenga malo ghaweme ghakupumulirako mu misumba, matawuni na muvkaya uwo.

Kuchiska kakhaliro kaweme

Boma la DPP tizamuchita ivi:

- Kusambizga banthu vya uweme wa kurya makora, uweme wakuchita masobero ghakukhozga thupi, uweme wakujipwelera pakuleka kughanaghana chomene vinthu vyambula kwenelera kweniso uweme wakujimanya mkaati mwithu.
- Kusambizga banthu vya uhene wa ulobevu nakumwa minkhwara yakutimbanizga wongo.
- Kusambizga banthu vya uweme wakupwelera wongo wamunthu; kutondana na kaghanaghaniro kahene. Tizamuchiska sukulu zose kuti zisambizgenge chisambizgo ichi.

Kujipwelelera

Ndise bakunweka kuchiska fundo yakuti banthu bakujipwelelera nakumanya kuchimbilira lubiro kuchipatala pala bajipulika mthupi; iwo na mbanja ghawo.

Kumanya ivyo banthu bithu bakukhumba pa umoyo

Boma la DPP lizamuchita ivi:

- Kunozgaso fundo zakwenelera zakuchiska umoyo uweme mwakukoleranako na umo vinthu vikwendera pacharo chose;
- Kunozga fundo zakovwira kuti balongozgi bamanyenge umo nchito za umoyo zikwendera kweniso umo bangatondela

visuzgo mkaati mwa nchito za umoyo.

- Kupereka wovwiri wakwenelera kunchito za umoyo; ndondomeko yavya chuma yakwendeskera nchito za umoyo pa boma lilirose yiwenge na 2% ya ndalamu zakhe zakugwilira nchito ya kafukufuku wakuwona umo milimo yakovwira balwale yikwendera.

Wovwiri pa nchito za umoyo

Boma la DPP ndakunozgeka kuchita ivi:

- Kwambiska thumba lapadera lakovwira kuti munthu waliyose wasangenge wovwiri kuchipatala.
- Kuchiska kuti thumba la CDF lovwirenge panchito za umoyo nga kugula ambulasi na vyombo vinyakhe.
- Kuchiska wene na wene pakati pa boma ma mawupu nga Christian Health Association of Malawi, Islamic Health Association of Malawi nga ghanyakhe.
- Kwizira kwa bina Malawi awo bakukhala kuwaro, boma la DPP ndakunozgeka kuchema banthu banchito za umoyo kuti bizakambiske nchito zaho kuno kukaya.
- Kusanga nthowa zakovwira kulabiska umo minkhwara yachifipa yingovwilira pakupanga minkhwara yachizungu kuti vipatala vileke kusuzgika.
- Kuchiska ubale na vyaro vinyakhe pa nchito za umoyo.
- Kuchiska kagwiliro nchito za umoyo na luso lipya pakukoleranako na minthavi na mawupu kuti nchito nga zakutaya viswaswa, nchito zakupima ndopa na viwalo vinyakhe zikugwilika na luso lipya.
- Kwambiska nthowa zakovwira kuti banthu banandi bavyaro vyakuwaro bizenge kuzakapokera wovwiri wa chipatala kuno kwithu nga:
 - Wovwiri wa matenda gha cancer
 - Nchito yakupanga minkhwara
 - Nthenda na mtima
 - Nthenda za maso
 - Wongo wa munthu



- Ntchito yakunyolora viwangwa
- Matenda gha ziso
- Na zinyakhe zinandi
- Kuchiska kagwiliro ka nchito za umoyo kwakuyana na luso lipya.
- Kuchiska vyakuti minkhwara yileke kusoba m'vipatala.
- Kuchiska milimo ya mnthavi wakuwona vya minkhwara wa Pharmacy Medicine Regulatory Authority na chakulata chakuti minkhwara yakuzomerezgeka yekha ndiyo yikugwira nchito.

Kuzenga vipatala

DPP njakunweka kuzengavipatalavikulu navichoko nakubikamo magesi:

- Kuzenga vipatala ku Blantyre : (Chilomoni, Bangwe, Mpemba, Limbe, Ndirande), Ku Lilongwe (Nathenje, Kawale, Area 25, Area 18, Mtsiriza/Mtandire,), ku Zomba, na ku Mzuzu.
- Kuzenga vipatala vipyta ku Chikwawa na Dowa,
- Kuzenga vipatala vichoko vichoko ku Ntaja, Thekerani, Chapananga, Jenda, Malomo, Chambe, Chitekesa, Nyungwe, Nthalire, Kameme, Makhuwira, Bwanje, Luchenza, Usisya and Bua, (ivi ni vipatala vya musi mwa msewu kuti banthu bovwirikenge mwalubiro)
- Kuzenga vipatala vinyakhe 229 muvigaba vyose vya charo pa constituency yiliyose.
- Kuzenga nyumba 458 za banthu bakugwira nchito za umoyo.
- Kunozga na kupereka ambulasi zipya ku vipatala.
- Kugula vyombo vipyta vyakugwilira nchito za umoyo kusazgilapo makina gha oxygen ku Zomba Central Hospital, Mangochi District Hospital, Kasungu District Hospital na Chikwawa District Hospital.
- Pa fundo yakuchema balwale bavyaro vinyakhe mwakukoleranako na makampani, boma lizamuzenga chipatala chapachanya chakuchizga cancer, nthenda ya

- mtima, nthenda ya ziso, maso na vinyakhe.
- Kuzenga mnthavi wakuchiska nthenda zamu wongo ku vipatala vya Gulupu (QECH) na Kamuzu Central.
- Kwambiska ambulasi zapachanya kweniso zakwenda lubiro zakuyegha matenda pakati pa Lilongwe na Mzuzu kweniso pakati pa Blantyre na Mangochi. Tizamugwira nchito iyi pakukoleranako na makampani.
- Kukhozga nchito za malo ghakusungilako ndopa gha Malawi Blood Transfusion Service.
- Kusambizga banthu bakupereka wovwiri wakudanga pa ngozi mwakoleranako na wupu wa Red Cross Society

Kupwelera banthu bakugwira nchito za Umoyo

Boma la DPP lizamuchita ivi:

- Boma la DPP ndakunweka kuchiska urunji na kujipereka mu kagwiliro ka nchito za umoyo.
- Kwambiska ndondomeko yakuti nkhantha zithu za nchito za umoyo zikagwirenge nchito kuwaro na kusayinirana phangano kuti charo cha Malawi chisangenge ndalamaka zakovwira kukwezga umoyo wa banthu.
- Kujiereka pa nchito yakusambizga banthu ba nchito za umoyo.
- Kuzenga nyumba zinandi za banthu bakugwira nchito za umoyo chomene mu vikaya - nyumba zibiri pa clinic/nyumba 15 pa chipatala chichoko / nyumba 70 pachipatala chikulu chapa boma.
- Kugula vyombo vyakwenelera vyakugwilira nchito za umoyo na kuvinozganga vyombo ivi pala vyanabngika.

Kuchiska luso lipya pakugwira nchito za umoyo

Boma la DPP lizamuchita ivi:

- Kwambiska magwiliro gha nchito za umoyo ghakukoleranako na luso lipya kuti vyose vyendenge makora.
- Kwambiska milimo ya tu ndege tuchoko (drones) kuyegha



- uthenga wavya umoyo kufuma kumalo na kukathula kunyakhe.
- Kwambiska mlimo wakuwona na kulondezga umo nchito zikwendela pamalo (the Health Situation Room)
- Kunjizga mbiri ya balwale pa makina gha kompyuta.
- Kusungilira makora lumbiri lwa balwale na milimo yinyakhe na chakulata chakuwona umo nchito zikwendera.

Wene na wene pa nchito za umoyo

Boma la DPP lizamuchita ivi:

- Boma la DPP ndakunweka kusanga nthowa zakovwira kukhozga wene na wene pakati pa boma na mawupu kweniso makampani kuti nchito za umoyo zedenge makora.
- Kwambiska ndondomeko zakovwira kumanya umo wovwiri wavya umoyo ungakafikira lubiro kumalo kuti banthu bovwirike.
- Kukhozgawene nawenewapakati pithu navyarovyakumwera kwa charo chapasi (South to South collaboration) na nchito yakupenjerezga fundo ziweme zakukwezga umoyo wa banthu.

Kuvikilira katundu na minkhwara mu vipatala

- Kuchiska kagwiliriskiro nchito za ID kuti timanyenge makora kuti uyo wapokera wovwiri ni munthu nadi wakwenelera.
- Kufiska milimo iyi:
- Kusambizga na kulemba nchito nkhwantha zavya umoyo zakuchizga matenda ghakupambanapambana (specialists).

Kuzenga malo ghapadera ghakovwira kusecha na kuvikilira katundu mu vipatala chomene vyamatawuni.

- Kupereka wovwiri wakwenelera nyengo zose.
- Kuwika fundo zakovwira kumanya kiziro na kafumiro ka wovwiri ku chipatala.
- Kuchiska ndondomeko ya insurance pa kendeskero ka nchito

za umoyo.

- Kwambiska ndondomeko ya National Health Insurance kuno ku Malawi.
- Kukhozga chivikiliro na kapelekero kakwenelera ka minkhwara.

Chakurya na Umoyo

DPP yikumanya uweme wa chakurya pa umoyo wamunthu. Chitima nchakuti kwasono banthu bakusuzgika chomene na njala. Boma la DPP lizamuchita ivi:

- Kusambizga banthu za karyelo kaweme nyengo zose
- Kurya vyakurya vyose kwambula kugomezga waka sima. Kurya makombwe, mphatata, katofeni, mayawo na nyauthi mwa vinyakhe. Kulima chomene mpendazuwa na skawa vyakupangila mafuta ghakuphikira
- Kughanaghanira vyakukhizga mtengo wa fataleza na mbuto kuti ulimi wende makora.
- Kuchiska kubeta nyama zinyakhe nga bakalulu , kubeta somba, kubeta nkhukhu za nyama na masumbi; kubeta ng'ombe za mkaka kuti banthu baryenge chakurya cha magulu ghose.
- Kusintha kwanyengo nkhwakofya chifukwa kungaziska matenda ghakujula pamoyo ndipo vingamanya kuwezgera mnyuma nchito yakuchema balendo kuno kwithu.

Ndise bakunweka kusazgamo nchito za karyelo kaweme mu vyakuchitika ngati nya Mtukula Pakhomo na vinyakhe. Ndiseso bakunozgeka kuchiska banthu kupandanga vipaso vyakupambanapambana pakhomo pawo.

5.5.3 BAWUKIRANO NA MASOBERO

DPP yikumanya kuti 70% ya banthu bamcharo chino mbaukirano. Iwo bali na lwande likuru lakovwira kukwezga charo chino. Fundo za Malawi 2063 zikuphala uweme



wakuchiska bawukirano kugwira nchito za chitukuko. Mu vyaka vinkhonde ivyo vyajumpfa, bawukirano bithu bandawovwirike yayi, chifukwa chakusoweka kwa ndondomeko ziweme ku masambiro, masobero, luso lapadera na tunyakhe.

Bana pafupipafupi 15,000 sono bakukhala mu misewu chifukwa cha ukavu uwo wakula chomene mu misumba ya Lilongwe, Blantyre, Mzuzu na Zomba. Bana aba bakuchita vinthu vyakofya chomene chifukwa balije vyakuchita vyenecho. Ku sukulu bakuluta chara ndipo mmalo mwakhe bakutandala waka mu msewu.

DPP njakunozgeka kumazga uchitiro uwu na chakulata chakovwira bana aba kuti bakule makora. Chakulata chinyakhe nchakuti banthu bendenge makora kwambula wofi. Boma la DPP ndakunweka kukwezga umoyo wa bawukirano pakusazga maunduna gha Bawukirano na Masobero lumoza na Unduna wavya Nchito. Unduna upya uzamumanyikwanga kuti: Unduna wavya Nchito, Bawukirano, Masobero na Luso.

Kufuma 2025 mpaka 2030, tizamuchita ivi:

- Kukwezga Bawukirano pa Chuma na Nchito za Luso
- Kukuzga ma Community College pakubikamo nchito za luso lipya, ulimi na kupanga katundu.
- Kukhazikiska thumba lapadera la Youth Enterprise Fund na ndalama K100 million pachaka kuti bawukirano bakongolenge nakwambia biznesi pala bamalizga masambiro ghawo ku ma Technical College.
- Kunozgaso ma Technical College kuti ghakoleranengeko na mboniwoni za Malawi 2063.
- Kwambiska nchito yakuchema balendo pakati pa bawukirano m'vikaya kuti bawukirano basangenge nchito na biznesi.
- Kubawuskamo bana mu misewu nakubasambizga luso lapadera. Na kubalutiskaso ku sukulu awo bakalekela panthowa masambiro.

Masobero

- Kukhazikiska thumba lapadera la K12 billion lakovwira kukuzga masobero la Sports Development Fund ndipo constituency yiliyose yizamupiwanga K50 million pachaka zakuthuvulira masobero.
- Kumalizga kuzenga malo ghakuzirwa ghavya masobero gha The Griffin Saenda Sports Complex na Malawi Aquatic Centre.
- Kukhazikiska malo gha bawukirano (youth centres) m'maboma ghose kuti bawukirano basambirengeko luso.
- Kulutizga nchito yakuzenga ma stadium m'maboma kweniso kumalizga kuzenga ma stadium mu misumba ya Blantyre na Mzuzu.
- Kupereka wovwiri ku sukulu zapachanya za masobero izo nkhwantha zakupumula pa masobero zikuzenga.
- Kupereka ndalama zakukwana zakwendeskera bola la malundi na mawoko uwo.
- Kumalizga kuzenga stadium za Bullets na Wanderers.
- Kubanekso makora dango lakwendeskera masobero la Sports Policy pakovwira makampani kuti ghatolengepo lwande kweniso kuti padera pakovwirapo, makampani nagho ghasangengepo chandulo.
- Kwambiskaso masobero gha bechu mu sukulu zose kuti charo chisangenge basoberi bamnthazi.

Luso lapadera

- Kuvikilira kluso lapadera kwendera ku dango la Pantent na Copyright.
- Kunozganga viphalizgano vyva nyimbo, ma drama na kuvina kuti charo chisangenge luso lapadera.
- Kovwira bawukirano ba luso pakubapa wovwiri wakwambira biznesi.

Ulongozgi ku Bawukirano

- Kusintha mnthavi wa National Youth Council (NYCOM) kuzgoka National Youth Commission na chakulata chakovwira kukwezga ukhaliro wa bawukirano.
- Kusambizga bawukirano vya uhene wa vimbunde .
- Kusambizga bawukirano uweme wakujiperekwa, kutemwa charo cha kutondana na ubendezi.

Luso Lipya Pakutuma nakupokera Uthenga (ICT and Digital Transformation)

- Kukhazikiska makina gha satellite ghakovwira kuti intenet yiwe na nkhongongo zinandi nakovwira bawukirano m'vikaya na kunyakhe kose mwakuyana na fundo za chitukuko za Malawi 2063.
- Kukuzga milimo ya ma tele-centres kuti bawukirano basangenge mwabi wa luso lipya lakutuma nakupokera uthenga mwalubiro.
- Kukhizga msonkho pakugula vyombo vya ICT kuti banandi basangenge mwawi kutuma uthenga.
- Kukhazikiska thumba lapadera lakovwira bawukirano awo bachita vinthu vyakupsa pa luso ili mu nchito za umoyo, ulimi na biznesi.

Umoyo na Ukhaliro Uweme na Nchito zakupwelera banthu

- Kukhazikiska kampani yakusambizga ujila wakumwa minkhwara yakulobeza.
- Kupereka ndalamu zinandi zakugwilira nchito zakovwira bawukirano kumanya vya umoyo wawo.
- Kupereka visambizo ku bawukirano vyakubamanyiska umo mathupi ghawo ghakwendera (sexual reproductive health) .
- Kupereka maji ghaweme palipose kuti banthu baleke kufyenana pakupenja maji ghaweme.

Bawukirano kwendeska nawo nchito zakuzirwa.

- Kunozgaso makora fundo ya Nkhongono ku Banhu yakovwira kuchiska vyakuti bawukirano (msungwana yumoza, m'nyamata yumoza) bawenge nawo mu komiti za chitukuko.
- Kuchiska bawukirano kupanganga nawo ma bajeti ghakwendeskeria nchito za chitukuko.
- Kwambiska mphara zapadera zakunjilikizga bawukirano (Youth Advisory Councils) kuti nawo bapiwenge mwawi kuyowoya twakusingo.

Chvikiliro cha Bawukirano na Wovwiri wa awo bali pachofyo.

- Kuvikilira bawukirano bachi Alubino pakukhozga chivikiliro m'vikaya.
- Kovwira na magalasi ghakuvikilira ku zuba bawukirano ba chi Alubino.

Chipani cha DPP chikumanya kuzirwa kwa bawukirano panchito yakukwezga charo chino. Ndicho chifukwa boma la DPP lanozga fundo ziweme zakovwira kuti bawukirano bakondwenge pakuperekwa lizgo lawo.Tose pamoza tingamanya kufiska mlimo uwu.

5.5.4 KUTUKULA BAMAMA

Fundo za chitukuko za Malawi's Agenda 2063 zikuchiska uwapo wa bamama panchito za chitukuko. Bamama bali na nchitpo yikulu yakovwira kutukula charo chino. Boma la DPP lanozga fundo zinandi zakovwira kuti bamama na bana basungwana bapiwe lizgu na mwawi pa nchito za chitukuko.





Kufuma 2025 mpaka 2030, Boma la DPP lanozgeka kuchita ivi:

Kuchiska bamama banandi kuchita nawo ndale kwakuyana na ndondomeko ya 50-50 campaign. Kulabiskaso makora malango na fundo zakuchiska kumazga mphambano pakati pa banalume na banakazi pakugwira nchito. Kweniso kukhazikiska thumba lapadera la Women Economic Empowerment Fund kuti lovwire pa mlimo wakuchiska ndondomeko ya 40:60 nga umo likuyowoyer dango la Gender Equality Act of 2013.

- Kukhazikiska thumba lapadera la Women's Economic Empowerment na ndalama MK 100 Million kuti bamama bovwirengekenge pa biznesi.
- Kunozgaso malango agho ghatindibizgira bamama na bawukirano pasi nga nthengwa za bana bachoko.
- Kuzenga nyumba zinandi zakugonamo basungwana ku sukulu zose.
- Kuchiska uchanda wa bana basungwana pakupereka maji na malo ghaweme.
- Kumazga nthengwa za bana bachoko mwakuleranako pakati pa boma na mawupu.
- Batolengepo lwande kwambula kopa pa nchito za chitukuko.
- Kukuzga bizinesi za bamama pakukhazikiska malango ghakwenelera. Bomama mbanangwa kugwira nchito za ulimi, biznesi na luso.
- Kuchiska masambiro ghapadera ghakovwira bamama kujigomezga mu kakhaliro kawo kambula wofi na kuwelera nyuma.
- Kuchiska ulimi nakupanga katundu kufuma ku ulimi kuti bomama batukuke. DPP njakunweka kuchiska fundo izi.
- Kusambizga bamama kuti basinthe maghanaghaniro nakukhala mwakujigomezga.
- Kwambiska nchito zapadera zakovwira pakuvikilira bamama na bana basungwana munyengo ya visuzgo vyamabuchi.

5.5.5 BANTHU BAKUSOBERWA, BACHEKULU, NA AWO BAKUKHUMBA WOVWIRI WAPADERA

Bachekuru banandi bakukumana na visuzgo vinandi pakati pithu. Kubapusikira ufwiti na kubayuzga mnthowa zakupambanapambana mwakuti bacheckuru pafupi 160 bali kukomeka chifukwa chakubaghanaghaira kuti mbafwiti. Ivi vyachitika pakati pa vyaka vya 2020 mpaka 2025. Ivi n'yachitima chomene.

Kwa banyithu bakulemala, visuzgo ni vinandi chomene chifukwa zinandi mwa nyumba izo tikuzenga kweniso misewu na vinthu vinyakhe, vikuwa vinthu vyambula kubaghanaghanira mu ukhaliro wawo. Ivi vikubaswera wanangwa wawo wakubabika nawo. Nchakuzirwa kubavikilira pakulongola chitemwa na umoza.

Wupu wa United Nation ukuchiska vyakupereka nchindi ku waliyose kusazgirapo banthu bakulemala. Nyifwa zakujikoma nazo zinandi chomene muno m'Malawi. Mu miyezi yitatu yakwamba mchaka cha 2025, banthu 153 balikujikoma ndipo 80% ya nyifwa izi mbanalume. Chachitima nchakuzirwa nkharo izi zichali mkuchitika pakati pithu. DPP yikumanya kuti banthu bakujikaka chifukwa chakusowa kupembuzgika.

Unandi wa bana bakusangika mu misewu nchifukwa cha ukavu uwo ngukulu chomene mcharochino. Bana aba bakuchita vinthu vinandi vyakofya nga kutimba na kwibira banthu. Kufuma 2025 mpaka 2030, DPP yizamuchita ivi:

- Kupereka ndalama zinandi zakugwilira nchito ku minthavi ya Disability Trust Fund and Malawi Council for Disability Affairs (MACODA) kuti nchito zawo zigwirikenge makora.
- Kovwira bacheckuru chomene awo mbachokolo ndiposo





- awo balije pakukhala paweme kuluta nawo ku malo ghakusungirako bacheckuru. Tizamugwiriska nchito ndalama zaku khauselu zakovwira kupwelera banthu aba.
- Kukhozga mlimo wakupereka wovwiri wa minkhwara, malaya na chakurya kwa bacheckuru.
 - Kuperekanga lubiro ndalama za banthu bakupumula panchito kuti baleke kusuzgika.
 - Kwambiskaso nchito zakovwira kukwezga vigaba za Public Works Programms.
 - Kuzenga nyumba zakovwira banthu bakulemala kwendamo makora. Kuzengaso nyumba za banthu bachi Alubino kweniso nyumba za bacheckuru m'vikaya.
 - Kuperekaminkhwara na wovwiri kwa awo bali na kachibungu ka HIV na matenda gha AIDS.
 - Kumazga msonkho pa katundu uyo ngwakovwira bacheckulu na banthu bakusuzgika.
 - Kuperekana ndalama zinandi ku sukulu zakusambizga vyaluso za banthu bakulemala.
 - Kuchiska milimo ya mnthavi wa National Coordination Committee on Disability Issues.
 - Kuzibaneka makora fundo zakuwona masambiro ghavya luso za TVET.
 - Kuchiska wene na wene pakati boma na mawupu ghakuno na kuwaro pa mlimo wakovwira banthu bakusuzgika.
 - Kulabiskaso makora pa malango gha njuga.
 - Kovwira banthu bakusoberwa kusanga urunji na unenesko.
 - Kugwiriska nchito fundo zenecho zakuvikilira banthu bachi Alubino.
 - Kuchiska fundo ziweme zakuti malwande ghose ghatolengepo lwande pa ulongozgi wavya ndyale..
 - Kusambizga bana awo bali mumisewu nakubapa luso lapadera kuti bajikhaliрене pabekha. .
 - Kubafumiskapo pa msewu bana aba nakubasunga kumalo kwakwenelera.

5.6 KUPWELERA VILENGIWA NA KUTONDANA NA VISUZGO VYAMABUCHI

Visuzgo vyamabuchi vikuwezgera nyuma nchito za chitukuko. Katundu na mphepo ziweme vikwanagika pala kuli visuzgo vyamabuchi nga kututuka kwa maji, ng'amba na vinthu nga vindindindi. Maji ghaweme nagho ghakusoba pala kuli visuzgo vyamabuchi. Nthuera DPP njakunweka kovwirana na banthu na mawupu kusanga nthowa zakovwira kutondana na suzgo ili.

5.6.1 KUSINTHA KWA NYENGO

Chipani cha DPP chizamuchita ivi pakovwira kutondana na kusintha kwa nyengo:

- Kuchiska nchito yakupanda nakupwelera makuni
- Kuchiska nchito yakupwelera vilengiwa malwande ghose.
- Kuchiska nthowa zinyakhe za kuphikira kuluska yila yakugomezga nkhusi nyengo yose.
- Kuchiska fundo ziweme zakovwira kupwelera maji na kagwiliskiro nchito kaweme ka nyata kuti ulimi ukwere.
- Kuchiska fundo ziweme zakumalana na viswaswa.
- Kumazga nkharo yakugwiriska nchito ma plastic.
- Kwambiska fundo zakovwira kuvikilira mphepo, maji na mlengalenga.
- Kwambiska fundo zinono zakuthyapulira awo bakunanga mphepo.
- Kuchiska fundo yakwambiska nchito zakovwira kuperekam mphepo ziweme. Izi ni nchito nga zakupanda mbuto mu madimba ghakumanyikwa kuti greenhouse.
- Kukhazikiska ma plan ghaweme kweniso ghakuzomerezgeka pakukuzga matauni.
- Kukhazikiska na kulondezga fundo zakuvikilira vilengiwa.
- Kuchiska ulimi kwambula kwananga vilengiwa.





- Kupereka ndalamazinandi zakovwira pa mlimo wakupwelera ma lusukutu (mathondo/mathengere) ghamcharo chino.
- Kuchiska nchito yakupanda makuni mcharo chose.
- Kubanekaso makora visambizgo mu sukulu nakusazgirapo chinyakhe cha uweme wakulimbana na kusintha kwa nyengo.
- Kovwira minthavi na mawupu gha bamtolamakan iwo bakulemba na kuphalazga vya uweme wakupwelera vilengiwa.

5.7.2 KUNOZGEKERA KUTONDANA NA VISUZGO VYAMABUCHI

Charo cha Malawi chikukomwa chomene na visuzgo vya mabuchi. Vinyakhe mwa visuzgo ivi ni: kututuka kwa maji, mphepo ya chimphupulu, vindindindi, nthenda zachilendo, ng'amba na kudilimuka kwa charo. Ivi vikuwezgera nyuma nchito za chitukuko.

Mwachiyerezzero, Cyclone Idai, mphepo ya chimphupulu iyo yikachitika mwezi wa March/May mchaka cha 2019 yikatimbanizga banthu 868,900, awo 86,980 mwa iwo nyumba zaho zikalindimuka nakuti pakakhumbikanga wovwiri wa lubiro kwa iwo. Mwa iwo aba 45,000 bakawa banakazi.

Mwezi wa March m'chaka cha 2023, mphepo ya chimphupulu yakumanyikwa kuti Cyclone Freddy yikatimbanizga chomene ukhaliro wa banthu ndipo nchito za chitukuko zikawelera nyuma chomene.

Banthu 1.4 million bakasuzgika na mphepo iyi. Kuno ku Malawi banthu bakujumpha 659,000 bakasuzgikaso na mphepo ya chimphupulu ya Cylone Idai mchaka cha 2019. Misewu ikagumuka, ma ulalo ghakayegheka na maji. Mendero ghakasuzga kuti banthu bakovwira banyawo bakafike ku malo nakupereka wovwiri ku banthu bakusuzgika. Ulimi ukanjila pasi chifukwa cha visuzgo ivi vyakututuka kwa maji na mphepo yachimphupulu.

Kuyowoya vya ng'amba, myaka vya 2005, 2012, kweniso 2016 na 2017, charo cha Malawi chikatambula na El-nino ndipo mchaka cha 2016/2017 ng'amba iyi yikatambuzga banthu 6 million na njala chifukwa ulimi ukenda makora chara.

Charo cha Malawi kwasono chilije ndondomeko zakovwira kulabiska kunthazi nakuwona pala visuzgo vikwiza (Early Warning Systems), kweniso vilwero panji vyombo vyakwenelera kulimbana na visuzgo nga ivi. Ukavu uwo ngukulu pakati pithu nawo ukusazgirako vyakuti banthu basuzgikenge na ngozi zamabuchi. Banthu banandi bakukana kusama kuluta ku malo ghakwenelera chifukwa cha midauko na ukavu. Banji bakukana kusama chifukwa bakugomezga kuti pala basama bamusuzgika ku malo ghapya.

Boma la DPP lizamuchita ivi:

- Kuchiska fundo zakusintha kachitiro pakulimbana na visuzgo vyamabuchi;
- Kukhazikiska mnthavi wankhongono wakulabiska vyuakutondana na ngozi wa National Disaster Risk Management Authority;
- Kugwiriska nchito wovwiri ndalamza zamu thumba lapadera la Disaster Risk Management Fund;
- Kuchiska milimo yakulimbana na ngozi zamabuchi nakuvikilira Ulimi. Masambiro, Umoyo, Mendero, Nyumba na Kukuzga Matauni.
- Kuwa na mwezi umoza wakusambizgana vyakuowelera Vilengiwa.
- Kunozgaso makora ulongozgi na nchito zakusambizga vya kujivilira pa ngozi zamabuchi.
- Kuzenga kawiro kakwenelera kakuvikilira banthu ku ngozi zamabuchi m'vikaya.
- Kuchiska nchito yakusamiska banthu kufuma ku malo ghakofya kuluta kuweme;
- Kovwira milimo ya basilikali na vyombo vyakwendelera vyakuponoskela banthu mu nyengo ya visuzgo vyapabuchi.
- Kuchiska visambizgo pa makani gha visuzgo vyamabuchi;

- Kunozgaso ndondomeko mu sukulu nakupereka visambizgo nya kajivikiliro mu ngozi zamabuchi.
- Kusambizga nkhwantha pa mlimo wakulabiska vyakunthazi (Early Warning Systems)
- Kuzenga malo ghakwenelera ghakuponoskerako banthu.

5.7 MALWANDE GHANYAKHE: BAMTOLAMAKANI, BAKULWERA WANANGWA NA MIPINGO.

Fundo za chitukuko za Malawi 2063 zikuchiska umoza, mtende na kujipereka. Chiapnicha DPP chikumanya kuzirwa kwa mawupu ghakulwera wanangwa, kuzirwa kwa bamtolamakani na balongozgi ba mipingi pakugwira nchito zakukwezga charo. Chipani cha DPP nchakujipereka kuchiska umoza na wene na wene pakati pakhe na malwande ghose agha. Kuchita nthuera, chipani cha DPP chikumanya kuti chitukuko chizamwenda makora mwakutowera banthu bose. Pakati pa vyaka vya 2014 mpaka 2020 chipani cha DPP chikagwira mlimo uweme chomene wakuchiska umoza na malwande agha. Kulwande la bamtolamakani, DPP yikaziska dango la wanangwa wakupenja uthenga la Access to Information Bill.

DPP yikumanya kuzirwa kwa balala ba mipingi mcharo chino chifukwa bakovwira kusopelera mtende ndipo tikumanyaso makora kuzirwa kwa mawupu agho ghakulwera wanangwa wakubabika nawo chifukwa ghakuchiska boma kwendeska makora milimo yakhe.

Kufuma 2025 mpaka 2030, DPP yizamuchita ivi:

Kuwoneseska kuti dango la Access to Information likgwira nadi nchito kwambula wofi.

Kujulaso nyumba zakuphalazga makani izo zikajalika pa vifukwa vya ndyale.

- Kunozgaso nchito za mnthavi wa Malawi Communications Regulatory Authority (MACRA) na kuwezgeraso likulu lakhe ku Blantyre.


- Kukhozga wanangwa wa bamtolamakani kwambula boma kunjilirapo na chofyo chilichose.
- Kuzomerezga banthu kuyowo twakusingo pa wayilesi, wayilesi za sinema, nyuzipepa napa internet kwambula kubajala.
- Kunozgaso makora nchito za wayilesi ya Malawi Broadcasting Corporation (MBC) pakwambiska nthowa yipa yakasangiro ka ndalama ya Content Creators Fund
- Na thumba la Content Creators Fund, tizamunjilikizga MBC kuti yileke kuthandazga malonda nakuti mmalo mwakhe yipereke mwabi uwu ku wayilesi izo n'zaboma chara kuti paleke kuwa chiphalizgano na wayilesi iyo yikupoka ndalama zakhe kufuma kuboma.
- Kwambiska wayilesi zam'vigaba pakugwiriska nchito thumba la Content Creators Fund kuti wayilesi izi ziphalazgenge mu Chitumbuka, Chitonga na Chingoni ku Mzuzu; mu Chiyawo ku Mangochi; Chilomwe ku Mulanje kweniso Chisena ku Nsanje. Wayilesi izi ziamovwira kukwezga viyowoyer.
- Kwambiska wayilesi yakuphalazga vya bana pakugwiriska nchito thumba la Content Creators Fund. DPP yikumanya uweme wakusanguluska bana kukoleranako na fundo za Malawi 2063.
- Kukhozga wanangwa wakbabika nawo pakuzomerezga waliyose kugwira nchito mwakufwasa.
- Kukoleranako na mipingi kuchiska chitemwa, umoza na kujipereka pakukwezga charo chino.
- Kovvirana na balongozgi ba mipingi kugwira nchito yakwendeska minthavi yakupambanapambana.
- Kuchiska mawupu agho nga boma chara kugwira nchito zavo kwambula wofi.
- Kuchiska mawupu agho nga boma chara kovvirana na boma kukwezga charo.
- Kovvirana na malwande ghose nakulabisika kuti mtende na chikutuko vikwenda makora. Malwande agha ni: bamtolamakani, mawupu ghakuchiska wanangwa na mipingi.



5.8 LUSO LAKUSANGULUSKA BANTHU

Boma la DPP likumanya kuzirwa kwa luso ilo banthu bali nalo pakusanguruska banyawo. Ivi vikovwira kukwezga chuma cha charo, chomene pala fundo ziweeme zinganjira mu marango ghakwendeskera luso ili. Mkati mwa luosi ili muli masobero gha zintharika, kulemba, kwimba, kuvina, kudinda vinthu vyakusanguluska na vyakubaja tunthu utu na tula. Boma la DPP lizamuchita ivi pakovwira kuti luso kuti la nthuera ili liziskenge ndalama kucharo:

- Kudumbiskana na TickTock, YouTube, Instagram na malwande ghanyakhe kuti balipilenge ndalama kwa benecho luso la chi Malawi.
- Kukhazikisa thumba lapadera la National Content Creator Fund lakovwira kuchiska luso lachi Malawi.
- Kukhazikiska studio yipyा yakupanga sinema zachi Malawi mwakukoleranako na makampani. Ivi vingavwira kulemba nchito bawukirano.
- Kujula studio yipyा yakujambula nyimbo ku Malawi University of Science and Technology mwakukoleranako na makampani. Ivi vingavwira kulemba nchito bawukirano.
- Kusanga babwezi awo bangavwira kunozgaso malo gha Blantyre Cultural Centre.
- Kusanga babwezi awo bangavwira kuzenga malo ghapachanya ghakuchiska luso lapadera mu msomba wa Mzuzu.
- Kuchiska wene na wene pakati pa boma na makampani kuzenga malo ghakuchitirako vya luso m'maboma.
- Kwambiska masambiro ghapachanya mu univesite zithu ghakusambizga vya luso lakusanguluska banthu. Ivi vingovwira kuthuvula luso la chi Malawi kuvyaro vyakuwaro.





6

PEMPHO KWA BINA-MALAWI, BABALE NA BWEZI



Tiza panthazi pinu mwa **BINA-MALAWI BANYITHU**, kuti pa 16 September 2025 muzakavotere chipani cha DPP. Kuchita nthuera nkhuweme chifukwa kuzamovwira kuwezgeraso charo chithu mu malo ghakhe gha mtende na chitukuko kwa wose. Chipani cha DPP chikumanyikwa makora pa kagwiliro kakhe kanchito zakukwezha charo. DPP yanozgeka kumalana na visuzgo ivyo charo chithu chikusangana navyo kwasono. Kuvotera DPP nkhuponoska charo chithu kuti chileke kunjila m'chizombo.

Kwa BABALE NA BABWEZI KUVYARO VYAKUWARO IMWE MUKUTOVWIRA tikumumanyiskani na mtima wachitemwa kuti ndise bakunozgeka kulutizga ubale uweme na imwe. Chakulata chithu nkhukhozga mtende kweniso chipulikano na wene na wene.

Kwa babale bithu **BAMTOLAMAKANI**, tikumupemphani kuti mukoleraneko na DPP apo sono tikunozgekera kunjilaso m'boma. Imwe muli na nchito yikulu yakumbizga banthu uweme wa chitukuko ndipo ise tanozgeka kuperekwa mwawi kwa imwe kwakuyana na wanangwa wa nchito yinu. Kwa ise kulije chofyo pa nchito yakulemba na kuphalazga makani. Withu ni mtende pera. Ivi tikachitapo kale kumanyuma uku.

Kwa **BALONGOZGI BA MIPINGO**, tili pano kumupanikizgirani kuti boma la DPP ndakunweka kuchiska ubale na wene na wene pakati pa imwe na ise. Tikumanya kuti boma na mipingo ndise bamoza chifukwa tose tikugwira nchito yakovwira banthu kwizira mu malwande ghakupambapambana.

Kwa **BANCHITO ZABOMA**, tikumanya makora kuti imwe ndimwe mphanda za chitukuko kuno kwithu. Tili kugwirapo namwe kale nchito ndipo tikumanya kujiperekwa kwinu panchito. Boma la DPP ndakunweka kukoleranako namwe kulutiska panthazi nchito izo mukugwira mwakutowera bina-Malawi.

Kwa imwe **BANA BASUKULU**, masuzgo ghinu tikughamanya ndipo ise nga DPP tanozgeka kumazga masuzgo agha.

Paumaliro, ku **MAWUPU AGHO NGABOMA CHARA** na imwe mose mukulwera wanangwa wa munthu kuti tiyeni tovvirane kuwezgerapowanangwawa banthu. Isetanzgeka kukoleranako namwe pakufiska mlimo uwu; nchito yakukhozga wanangwa wakubabika nawo. Kwa ise kulije kukanizga viwoneskero vywanangwa wa munthu.

ANTHUERA TIKUMEMA MOSE IMWE MUKWENERA KUVOTA kuti mukavotere chipani cha vinjeru, chipani cha Democratic Progressive Party, na mlongozgi wakhe, His Excellency Professor Arthur Peter Mutharika.

KUVOTERA DPP NA ULONGOZGI WAKHE NDIYO YEKHA FUNDO YAKOVWIRA KUTI CHARO CHITHU CHIWELERE M'MALO MWAKHE. DPP YIZAMUFISKA IVYO YAPANGANA.

VOTERANI CHIPANI CHA DPP! BOMA LA A PETER!
APM WOYEEE! DPP WOYEEE! MALAWI WOYEEE!







